

錢唐袁枚子才

元旦

爆竹隣家響未終
開門賀客已匆匆
天晴好著黃綿襖
奴老都成白髮翁
千樹梅花迎我笑
三朝文獻有誰同
諸公莫羨衰顏好
昨飲屠蘇臉尚紅

香亭家居八年年逾六十依然赴都候補作詩送之

兄弟蟠蟠兩鬢霜
新年攜手上河梁
阿連別我休垂淚
尚有來生別不妨

烟雲庚癸頻呼耳
怕聞半世黃金擲
虛牝誤人端是孟嘗君

同官借去者
六萬餘金

知君心也戀
鄉住溫柔奈

老何弟詩伯輿天性患情多
腰纏此後應珍重
莫負丁娘十索歌

丁姬聞弟不
仕垂泣三日

茫茫宦

海渺無涯就有神仙不敢猜
但願善人天默佑
神光仍照管甯回

讀論語有感

賀客已仁理自超
誰知此柄也難操
諸侯圭幣爭相聘
一個桓魋手握刀

公西束帶登

莫羨衰也嬉遊沂水天
同在聖門心事別
至今瑟響尚鏗然

邗江雅集詩 有序

攜叟山居忽作揚州之夢
春江水漲遂拖白下之舟
纜繫隋隄花迎阮屐則有臺使香

半先生早登仙掖之班
出視淮南之漕幸相逢而握手
蒙枉顧以移尊扶輦門生我攜

情武當筵歌者君愛何戡
坐忘春夜之寒少男風聚人奪
燈花之豔玉樹枝聯當金迷

敢醉之餘為換羽移宮之舉
一則才稱狂簡願依謝傳門牆
一則歌帶書聲堪作袁絲

弟子深深下拜兩兩傾衿折柬以敘同門聽呼小友升堂而問奇字互喚先生更喜江
左王珣朝歌吳質牽雲曳雪聯袂倚裳或贊禮以通名各交懽而盡意昔人西園之集
南皮之遊其克具此豪情方茲韻事也哉僕方來跨鶴旋去揚帆識歐九之風流忍向
龍門而揖別忘江淹之才盡命操秃管以成文記就一篇詩成三疊此日平山堂下齊
聽佳話之傳何年羣玉峯頭再續雲仙之會

華筵移置阿咸居蒙移尊家致華寓中一朶瓊花載後車絕好齊梁詩弟子何妨師事沈尚書

座風神玉樣清可憐毛髮亦聰明賦琴新把嘉名錫乍喚知卿聽尚生計五官謝公賜字賦琴

託多情杜牧之寄聲山裏說相思仙桃無福移來種還託東皇好護持

到溧陽看鵬姑再宿紅泉書屋作

十四年前宿壻鄉餘温猶在舊眠床入門最是傷心處不見懽迎白侍郎 侍郎閒話每

三更頭觸屏風耳尚聽今日蕭蕭白楊下可憐鶯語尙丁甯 欲看園林似舊無女兒指

引外孫扶桃花對我嫣然笑似識前來一老夫 諸郎排日飲衰翁盤盞銀光射眼濃上

有兩江清俸字分明卽是孔悝鐘文靖公嘗署兩江總督 鵬姑才似女相如健婦持家綽有餘記

否當年燈火夜替爺數典替抄書 安世侯傳二百春更聞天上降麒麟翩翩喜見佳公

子三試都爲第一人謂元圃世講子錫時新采芹 衰年臨別意綢繆借看圖書又上樓絕似飛鴻憐

爪迹開花野草尙勾留 三宿紅泉酒未消春風吹雨濕征袍回頭尙有關心事未奠喬

公一太牢未掃文瑞公墓此心缺然 彭鏗一見慰離懷便似曇花不再開他日夢中如識路定教著

翅再飛來謂彭生

舟中寄彭賁園先生

彭夫子負異才清曠炯炯明鏡揩偶見隨園詩傾矜誦百回髣髴任華推李白孔融思伯喈
書來苦道願相見自傷衰頽願屢乖聞說先生八十有三歲我當兄事何疑哉急買溧陽棹
笑劃江水開路離君家八九里我尙未到君先來手扶筇竹杖脚曳雙青鞋仙風道骨顏如
孩形病神不病齒衰身未衰野王二老旣相遇誰爲浮邱誰洪崖欲把四十年事一口說要
將八十一家文字同編排相約詰朝到君室擘蘭燒錦飲百杯誰知天帝驚有意相遮礙道
是昌黎二鳥歌業已駭眞宰更有青田二鬼行憑空發光怪那堪更使文星聚鑄殘造化天
難耐急命雨師風伯起波濤淋漓隔斷彭衙界只許君推袁不許我訪戴我如南海禮佛人
一見觀音不可再君如雞黍欸茅容枉自欽遲將客待馬行淖而蹄傷舟衝波而帆敗此情
耿耿海同深後會茫茫年各邁愁腸轉轉轡老淚飄巾帶只好高歌杜甫詩九原泉路交期
在

附賁園先生和詩

先生曠代之鴻儒九苞蘊采含智珠弱冠名騰人中祕翱翔蘭署暨石渠天寵奇才姑小
試俾膺民社來江湖惠政羣歌頌建康清風不減范萊蕪現宰官身試遊戲辭香案吏賦
遂初遙指倉山孕靈秀急營小築安琴書吾愛吾廬洵樂地山花山鳥供清娛名齊鑿齒
傳四海行蠟阮屐周寔區迄今壽考屆八秩精神不與龍馬殊試問先生何所癖憐才愛
士實若虛苔岑異質常滿座葑菲野味充山厨即如斗也素守拙荊州未識徒嗟吁辱公
嗜痂頻齒及聊寄敝帚供掃除先生不鄙情益摯郵牋懇欸手足如古云知己勝感恩已

無足知感亦愚祇祈邂逅觀一面三生願遂幸不孤今春伏枕方苦疾喜聞玉趾臨蓬廬
披衣急起走迎候握手話悽病欲舒狂飈肆虐淫雨驟乍逢旋散仍回車來朝急遞賜華
柬長歌千字何瞿瞿為言此別艱後會九原相訂誓不渝讀罷悽然頓掩卷淋浪涕淚沾
髭鬚斗雖早死骨未朽祝公百歲善保軀

送阿遲就婚茗溪沈氏

東陽族姓一村稠弄壻人來定不休只恐金閨有徐淑催妝索句替兒愁
已絲向平有願畢無時今朝看汝成婚日喚作遲郎竟不遲
記得兒生鬢

到西湖住七日即渡江遊四明山赴克太守之招

湖樓再住興闌珊兒自完姻我看山一渡曹娥江上水烏篷船仄鳥綿蠻
路過慈溪水

竹村祠堂一拜最消魂五代祖察院德眉公有祠堂余入翰林香亭成進士匾額俱有八十四來從未一到不圖劉阮歸來早已見人

間七世孫久聞天乙閣藏書英石芸香辟蠹魚今日積存珠已去我來翻擷但歛歔內厨

所存宋版謄鈔俱已散失書中夾芸草廚下放英石云收陰濕物也我亭尺牘善收藏三百年人聚一堂鄞縣范我亭孝廉藏前明尺牘

天童寺

采到袁絲真有幸塗鴉也廁兩三行

十里古時松蒼蒼護梵宮殿餘千片瓦佛坐一天風樹老根全露僧窮禮愈恭無多香積飯

招寶山望海

肯供白頭翁
招寶山頭坐茫茫望大洋波濤如起立人世定洪荒水合天無縫雲生島盡藏有誰溫帶下

親手折扶桑

放光松歌

放光松貌奇古雷火不能焚工垂不能斧老子雖猶龍學禮頭轉俯考父背偃僂下民誰敢
侮長無八九尺壽有千萬年松根騰騰生紫烟松針半鋪十畝田松濤依稀奏管絃左枝欲
斷右枝聯升者拗怒伏者眠風爲轉折雲盤旋或爲貉索或龍牽甘心入土復出土不敢朝
天似避天相傳阿育王遺失舍利子挂在此松梢夜夜寶光起方知松有神十方皆頂禮于
今廟宇雖凋喪此樹甦甦神所相飽餐風雪愈槎枒未死蛟龍猶嘯強我欲作青詞奏玉皇
將松移種東海旁常陪紅日照扶桑勿與山中魑魅常爭光

遊四明雪竇七章錄呈楓村太守兼寄雪堂僧

捨却肩輿換竹兜爲探雪竇作仙遊一峯纔了萬峯起似上青天我欲愁 秧針綠滿寺
門前未見禪堂早見田幾個高僧叉手揖袈裟吹滿稻花烟 一條瀑布有聲聞噴出山
腰認不真覽勝須登峯絕頂興豪應讓捨身人 瀑布旁有捨身崖甚峭 中天卓立妙高臺穿破浮

雲眼界開四面山如兒女伏一聲呼喚定飛來 狂客由來愛四明果然風景似蓬瀛不

知人世藏何所但聽仙禽奏樂聲 上通惡像果超羣傳說開山是此君伏地當時參佛

祖衝天可號大將軍 相傳上通禪師即黃巢也 十日天晴豈偶然舟車全賴主人賢黃堂便是西天

佛替了靈山會上緣 回首僧房紫竹床難禁一宿戀空桑此身已落紅塵去還寫雲箋

寄雪堂

重遊山陰石屋

十六年前地重來景未忘山多迎我笑人竟比松蒼雨氣諸天濕經聲晚課忙為尋于少保
急急步禪堂廟聯云花雨欲隨巖翠落松風還傍洞雲寒錢塘于謙題

再過招寶山觀海四首

再看海方信東南地缺多三山雖宛爾一笑奈風何天后來招寶山有天觀音住普陀相逢

定相約 聖世莫揚波 九點烟如許中原算一支天心無畛域地界有華夷魚目三更

日蝦鬚十丈旗宣尼果浮海語怪也驚疑 若個探深淺歸墟隔幾重九天烝日月萬怪

走魚龍善下斯為大能虛自有容江河似邾莒爭敢不朝宗 弔古能無感追思漢與秦

戈船尚來往砲位更橫陳徐福三千士田橫五百人成仙與作賊強半此藏身

記遊一篇留寄太守

滿頭白髮披過耳聽說青山心尚喜向平願畢纔兩日康樂束裝竟千里楓村太守風雅士
館號招賢從隗始片葉輕搖范蠡舟一江直渡曹娥水初登招寶山鯨波將眼洗再拜阿育
王摩訶舍利子雪竇參天石鏡開徑往從之歇行李胸羅青嶂影層層脚踏紅霞鳥几几僧
能憐老杖先扶天許看山雲不起鐘鳴漏盡尚行乎海闊天空竟歸矣試問人間八十翁如
此風懷能有幾義之樂死怕教兒列子耽遊將沒齒旁人倘訝子胡然我亦無言笑而已

八十自壽

自笑將開九秩筵輓詩翻在壽詩先剛修禊事傾三雅再宴瓊林欠四年瀟灑一生無我相
逢迎到處有人緣桑榆晚景休嫌少日落紅霞尚滿天 白雲深處白鳧翁尚記髫年入
泮宮賈誼登朝裁弱冠趙元叉手揖三公金蓮花燭家家羨南國甘棠樹樹紅一日慈烏思

反哺搖鞭不待管絃終 買得青山號小倉一邱一壑自平章梅花繞屋香成海修竹排

雲綠過牆嵌壁玻璃添世界張燈星斗落池塘上公誤聽園林好來畫盧鴻舊草堂甲辰春聖駕

南巡和致齋相公道人來畫隨園記卅載承歡鬢已星萊衣舞罷此身輕千重越嶺看花去兩度天台采

藥行倭國都來購詩稿高麗使臣李承濬洪大榮等佳人相約拜先生孫雲鳳張玉珍諸人九州不信吾還在陽五

都疑古姓名 甲乙丹黃萬卷餘兒孫珍重好家居但看手澤應思我莫為科名始讀書

平子四愁能自遣香山三泰有誰如此翁事事安排定生家營成傍草廬 欲為遲郎賦

感婚卽將此日卜良辰蟠桃會上看新婦玉鏡臺邊祝大椿白髮妝成三女粲陸金鍾三好

風吹滿一家春畫梁乳燕雙飛處添個堂前問字人阿遲婦全一枕黃梁夢太長憑人

喚醒又何妨烟雲起滅山還在桃李榮枯松自蒼不解臯虛呼彥道愛藏金石學歐陽竇公

他日西湖召擬獻周官樂幾章 逢花逢月客誰招碩果晨星逐漸凋怕過山陽聽玉笛

癩從酒店贖金貂性不飲而愛飲客牡丹艷艷開三月 聖世看看歷四朝偷把光陰掄指算占人

多少可憐宵 閨中老妻尙齊眉冷暖常先侍者知同榜一人惟首相阿廣廷及門五代

見孫枝談羽儀詩多幸賴辭官早累少全虧得子遲更喜女嬃還健在白頭閒坐說兒時陸氏

七姊八十 尙書小楷尙登樓滴露研朱事未休清福已經消半世虛名遑敢望千秋貧能

行樂仙應妬老不逃禪佛亦愁擬乞壽言何處乞抽毫先向自家求一作杖想量只好上天遊

三月二日

杖朝人被四方知千里人來萬首詩惹得衰翁心轉怯牡丹開到十分時 兩家爭把壽

星迎又愷姪揚兩隻花船載酒行回到觀音山下泊蓮花座上祝長生 多謝吳娘金叵

星迎仁山世講兩隻花船載酒行回到觀音山下泊蓮花座上祝長生 多謝吳娘金叵

羅爲儂齊唱百年歌曲終人散先生笑又遇人間春夢婆

讀嵇文恭公行狀覺前詩有未盡者再補一首

不曾聽過鹿鳴聲庚戌會試世宗特旨便向金鰲頂上行賈誼治河良策備公署南北河

千秋上殿小車輕封章屢乞歸田里 恩旨纏綿眷老成寒免趨 朝朝免早翻勞 聖主

替經營

自壽詩亦嫌有未盡者再賦四首

自家心要自家安身自頽唐筆未乾海客忘機禽便狎龍門不峻客常權孟嘗焚券除煩惱

所焚券如魚門太史高直方明經者九家蕭惠裁楊總達觀只有平生幾知己衰年說著淚猶彈 不能飲酒

厭聞歌革帶常寬懶著靴那信陰陽有拘忌祇憑忠信涉風波凡有冰路者空王殿上香烟

少故友墳邊麥飯多補瀧先生墓代祭四十年交奴僕亦知安我拙相隨都已鬢緜緜 置驛南陽我

不如客來相見定相於平生客無喜除詩外從無債愛聽泉聲似啟予十頃水田生計足四

時風月夜窗虛何圖將相沙場上萬里馳書訊起居謂孫福兩公相和惠兩制府著到飛棋興偶然

無絃琴好亦空懸家餘旨畜隣分潤園少牆垣賊見憐謂無藩籬一物有情皆入賞半生非

病不孤眠休提往日輿人頌風影訛傳五十年至今村市有彈唱當年德政者皆方朔外傳附會無稽

題姪婦戴蘭英秋燈課子圖

禮訓從來出戴家戴嬌生小貌妍華娟娟國色大仙妬字字金鑾紫石夸豪犀梳罷清晨起

便倚妝臺吟不止脫口能傳伏勝經停針便續班昭史偶然吹竹更彈絲多藝多才侍婢知

芳姿似月閨中照佳句如雲紙上飛喜結絲蘿歸小阮寒家戚里人人羨西湖攬勝共香車

北苑題箋分筆硯秦嘉聞說也聰明詩筆終輸徐淑清不櫛由來稱進士妝成理合喚先生
一朝夫婿長安去男兒慣被封侯誤郎病方教我欲愁妾憐早唱公無渡剩有媿髮膝下孤
呱呱知哭阿爺無購來李翰蒙求本命寫顏家干祿書最苦霜天夜月高烏啼不住朔風號
兒頭已觸屏風睡娘手猶持荻草教而翁曾作宜興宰我來乍見驚鴻態不料乖離十四年
霜蘭雪竹容顏改贈扇題詩當束脩近亦自稱弟了年年春仲望來游用見贈句我來先要含飴問兒
課何書記得不

魏齊

祖龍一怒萬人愁大索張良也罷休底事應俟小噴喝半空飛下魏齊頭

題竹宜夫人玉堂春曉圖

畢制府室姓伊字竹宜

朝天人去未還家偷得閒身掠鬢鴉莫向風前頻卻扇恐教羞落海棠花

一幅生綃烟

景清寄來千里意分明老人把筆無題處只好裙邊署姓名

張素香校書以扇求詩

素女披香倚畫欄張星須與月同看國風儘寫莊姜美我道凝脂第一難

衰翁無計與

溫存只可摩挲一斷魂絕似武夷君下世向卿空喚女曾孫

碧山吟社圖爲秦小峴觀察題

有序

前明宏治癸亥秦修敬先生招陸懋成勉陳天澤履十人爲詩會沈石田爲作碧峯

吟社圖藏秦府多年忽然失去小峴觀察得之濟南書肆甚爲欣喜然已失去圖尾

諸名流題跋矣

碧峯社裏十風人寫上丹青五百春底事仙山飛海外用玉摩依然神劍躍龍津文姬自古終歸漢淮水而今尙姓秦莫惜標題微有缺斷圭殘璧總精神

奇中丞失察織造缺額罷官入都賦詩送行

七載甘棠露未乾一朝春去太無端本來戀闕心原切如此休官夢亦安佛為度人常入

劫驥因久駕暫離鞍薰風滿路黃梅雨病後知加幾頓餐最難分手有袁絲剛在吳門

送亦奇風引卿雲還上界鳥啼殘照戀高枝便違色笑從今日再宿南衙是幾時老淚無多

自憐惜為公傾灑怕公知

歌者天然官素詩

何必當筵唱浣紗但呼小字便妍華萬般物是天然好野卉終勝剪綵花雌蜺雄風總

可憐春蠶到老愈纏綿摩挲便了三生願與汝同超色界天

中丞體素羸解組後陽滿大宅枚人見心喜再賦二首

眠食勝常貌轉佳封疆肩卸此心閒方知前示維摩疾總為憂民報國來廊廟江湖

境本同能舒能卷是英雄只愁絲竹東山樂未必蒼生許謝公

送中丞至惠山蒙賜人篋留別

老怕恩多記不清著公衣服送公行身上已西仲夏所服惠山泉似知人意流出潺潺不盡聲

一路官民盡捧靴用崔戎

老我婆娑語未終幾莖仙草納懷中知公留贈無他意要我長生再見公公是朝陽未

有涯我如落月暫徘徊從今抵得千回夢只盼長安一鴈來

五月二十一日還山留別蘇杭親友

八旬人別武林城回首西湖尚有情
倘與諸公緣未盡
三年來聽鹿鳴聲
余戊午舉人再隔

妙手調羹愛阿戎
幾番招飲醉衰翁
弟兄花似開棠棣
越到斜陽色越紅
謂春

語朱雲感未忘
當年為我訪花忙
戴家小玉今存否
只恐麻姑鬢已霜
乙酉冬紹六引見

能詩之婢 意欲聘之
二老三仙酒一卮
春殿廉使女雲鳳雲鶴 玉如王夫人一齊賜我
全家送別話依依
故鄉尚有孫思

邈忍說杭州竟不歸

再過莫愁湖有感

結綺臨春盡化塵
莫愁樓閣又重新
男兒欲為千秋計
不作英雄定美人

與嵇曼叔世講遊惠山石門

惠山遊石門喜與嵇康共初登
心已訝再上身漸重
先入紫微宮
焚香來者衆
繼至白雲嶺

飛流奔石洞東望尤莽蒼
撫心內自訟下臨萬仞溪
險絕不可控
倘一失足墜老命
為誰送

忍死登其巔
白日手可弄
雙峯不見門
絕壁但留縫
九天一聲咳
萬山齊欲動
佛坐影尚搖

鳥飛天若縱
邵寶雖重來
錫山童謠云若要石門除非邵寶來
張騫難鑿空
一笑下山歸
回頭似出夢

紀周將軍墓上事
有序

乾隆四十九年秋周將軍遇吉墳
為黃河水所齧
兆將傾矣
居民嘆曰將軍如此忠

節而死後乃不保其墳耶
是夕雷電以風全地俱震
及日視之湧出高山百丈為障

其墳時春圃弟秉臬山西以公事至甯武關歸述其事

古來陵寢如鐵甕
摸金校尉猶能動
惟有忠臣土一坏
天看更比山河重
甯武關外周將軍

心似精金膽似雲淮南子萬箭攢身不變色百年埋骨尚留墳墳近黃河百餘步漸漸崩沙

嚙其路一夕風雷震地鳴湧出青山替保護我于此事常懷疑天若無知又有知與其朽骨

天猶管何不天兵早救之誰知國祚本無常運去時來各自忙難扶大廈孤撐手易表沉檀

死後香君不見建文之朝黃子澄殘骸狼籍埋華亭蔓草荒烟四百齡年年祭掃家無主有

人築亭偷取土三築三擊雷不許亦近年事嘉定校

吳樓坪太史滌硯遺圖有序

乾隆元年余與翰林前輩吳樓坪先生同受廣西金中丞知薦鴻博入都時先生鬢

髮全白而余一領青衿年纔弱冠同試保和殿上今花甲重周音塵久隔偶過姑

蘇其後人名顯者見示此圖展玩之下不特如見先生并如見中丞也磨墨揮毫悲

來橫集

憶昔同徵日於今六十年一朝逢畫裏萬感集胸前我鬢全蒼矣君容尚婉然遙知洗硯處

初染桂花烟此圖畫於雍正癸卯是年公舉秋試

附樓坪王坦先生自題小照詩

不合人間有此生年來蹤跡寄浮萍身餘筆墨難償債家為饑寒已廢耕與我周旋仍作

我識卿面目付還卿風雲變盡隨時態白首惟君不世情無言獨坐傍芳菲此子襟

期與世違苜蓿草荒天馬病神仙字老蠹魚饑露寒金粟秋風早水落吳江獨雁飛今日

燈前重問訊怪他雙鬢漸看非

惡老八首

老人慣早起如盤古開天獨來又獨往四望無人烟欲盥水未溫欲飲茶未煎兒女門戶閉
僮僕縱橫眠豈不欲嘖嘖猛然記少年記得少年時斲聲如雷顛 身欲往某處必是有

所謀及至行中路業已忘因由偶呼奚僮來意有所分付及其來至前翻問來之故李崇或
損腰周仁時溺袴窺園奴急扶登樓人盡怖事事受人憐方知老可惡 支筇豈不佳因

足累其手高談覺傷氣真乃口戕口厭坐起而行行亦不能久有意珍藏物及尋轉無有昨
宵所見客今日問誰某愁看細字書畏逢禮多友魯昭心雖童梁王已呼叟只好學模稜唯
唯又否否 看老天光景漸漸不相容有目漸不明有耳漸不聰卿輩雖難記徐陵終不

恭訓人至萬語毋乃王世充屬饜羹便却須臾腹又空鬱烝偶免冠黻寔又受風圍棋陣易
劫看書卷難終驚視倉山嶺斜陽紅不紅 一兒能吟詩不教其應試一兒太蠢愚但教

其習字責善最不祥我豈爲兒累學禮與學詩聖人亦寫意偷鯉不趨庭或竟任嬉戲高鳥
自翔天芳草自覆地彼豈有爺娘辛苦爲兒計 昔吾少也賤性却愛豪奢慕人衣裘美

羨人膳飲嘉所思恆不遂隱隱生嘆嗟於今衣頗華老醜不相稱片畜亦多珍果腹能幾頓
我欲訴眞宰還我前景光甯可少時富老來貧不妨 出門四月餘箋奏動盈尺非是索

標題兼且乞親筆知其畏伐死取之及其生桃符又性急應付心始甯麵糊用一斗墨水飲
三升行樂吾有分節勞吾不能動說精神好欺人語勿聽 精神爲主人形骸爲屋舍主

人漸貧窮屋舍亦頽謝將頽未頽時主人強支架導引以養生醫藥以補罅及乎無可爲主
人亦告罷何如蛤與蜃江湖能變化旁有趙大夫 泫然爲涕下

龍王慈孝堂圖爲鮑肯園題

宋末政弛，萑苻麻起，鮑氏二賢父挈其子夜行，晝伏，父為賊縛，一解縛置樹頭磨刀霍霍，春

其喉，誰知草間尚有兒，叫號泣拜不肯休，願殺兒母殺爺，兒代爺死，無怨嗟，二解爺曰：不可

我老不足惜，留我兒為我祖宗綿血食，三解父子爭死如爭財，爭奪賊刀將自裁，風雲為慘

悽禽鳥為悲哀，四解羣賊大驚，淚下沾纒，道我輩亦有爺，虎豹甯無情，何不撒手縱之行，登

時白頭黃口，僧僧抱走得重生，五解事聞於朝，萬口褒揚，傳至景曾，龍山建堂曰孝，曰慈，經

兩朝帝王寵錫，龍章，六解六百年來風撓雨淫，堂不可尋，十三世孫宜璠過之，爽然傷心，願

語其子汝他日再為建造，庶幾慈後有慈，孝後有孝，七解其子志道再拜受言，取肯堂之義

自號肯園，殫精竭誠，積三十年而厥願始成，八解匪徒堂建，兼勒石記之，匪徒記之又從而

圖繪之，堂前樹二枝，已飄零，妙手丹青為補其形，其一卷曲鬱怒如受縛，樣其一偃，僕鞠躬

如哀乞狀，至今若有聲響，可呼之於紙上，九解嗚呼君不見武梁祠上圖羣賢，慈容古貌傳

千年，男兒生世間，得傳孝義名，又何必身標麟閣，貌畫凌烟，十解

再送香亭之廣東

白髮送行人，青山都變色，何況八十翁，送弟萬里別，後會何時逢，彼此不開口，倘若一開口

如何再分手，久聚不知樂，乍別方知愁，早知別可愁，一晤抵千秋，弟在家八年，權飲能

幾度回首再思量，寸寸光陰誤，記弟初來歸，弟年纔十五，從此五十年，悲懼難悉數，如

萍合又離，如琴罷復鼓，倘演作傳奇，可泣可歌舞，弟生長天生兩鵲命，一勞一安逸，勞

者生佳兒，逸者又奪得，喜阿通近峨峨道素門，書香久歇絕，今春過祠堂，爾我兩扁額，祠堂

世翁弟成進一扁曰兄弟曰詩華我昔來訪弟，鐵樹方開，花端州文武官，餽席爭相誇，協

八十一盤羹食前竟方丈回首荔支香消魂在天上

我歸弟送我握手愁

難偕不料未一年天風吹汝來前來非意中今去出意外未知粵海樓我題詩可在

積

俸至萬金不可尙云少倘稍知斂藏儘足自娛老弟身非天女何苦散空花

弟存借券六萬餘金

阿六

善經紀弟當師蕭家

我有一尊酒爲弟餞房中女纒與邱嫂婆娑勸千鍾勸罷送弟出

三老淚始流不敢對弟流憐弟也白頭

詩人多情者往往作司馬劉白曾爲之聲名不

相下吾弟黃堂坐忽變青衫客此去過潯陽琵琶聽不得

此翁

一病方知靜養功眼前物理與心通煙難出戶天將雨花肯升堂夜有風萬卷書橫秋水上一燈人坐白雲中莫教貧相此翁也八十高吟尙未終

示兒

不將庭誥學延之但說平生要汝知騎馬莫輕平地上收帆好在順風時大綱既舉憑魚漏小穴難防任鼠窺

古諺云鼠穴留一

三百六旬三十日可聞諄語響茅茨

喜老七首

初覺老可惡旋覺老可喜廿五科翰林世上曾有幾我非挾長者其奈無敵體偶遇士大夫

論交一掄指非其大父行即是年家子初見問誰何道破重拜起莫怪武夷君人人曾孫矣

筋力不爲禮人拜我但扶鄉黨莫如齒首坐當晏如張蒼怕食乳愈欲精庖廚陸展無

側室久不染髭鬚前途知有限錢亦不留餘兒婦知我老抱孫來挪揄賓朋知我老攜尊來

相於我亦自知老行樂爭須臾笑問老一字千金肯賣歟

漢廷夏侯勝宮中延爲師以

其年篤老瓜李無嫌疑我亦大耋年傳經到女士班昭蘇若蘭紛紛來執贄或捧靈壽杖或
進上尊酒入謁必嚴妝惜別常握手雖然享重名不老可能否 夏禹惜寸陰揚雄常愛

日味此古人言我却無慙色十載宰官身吏民尙懷德養母三十年晨昏常侍側種松高十
丈著書盈三尺五嶽山已遊四朝事能說清夜自思量此老老亦得 老姊相依住將開

百歲筵老妻亦八十齊眉在案前僮奴各班白霜雪盈其巔人指老人國我遊羲皇天更有
分壽者率兒孫乞憐要我手摩頂以爲結善緣偶然遊四方觀者走踴躍以爲覘一面勝如

遇一仙我乃靦然笑人老竟值錢 嫫母不知醜西施不知好我亦將母同八十不知老
宴客必張燈吟詩尙留稿或栽雨後花或剗風中草一起百事生一眠萬事了眠起即輪回

無喜亦無惱何物是真吾身在即爲寶就使再龍鍾憑人去笑倒試問北邙山年少埋多少
生時自己啼死時他人哭我啼人輒喜人哭我當樂逝者如斯夫風輪如轉轂改燧不

改火後燭即前燭可笑世間人紛紛仙佛供修煉既身勞禮拜亦頭痛卒竟歸渺茫風影不
可控果然呼即來一笑吾從衆

記得

記得兒時語最狂立名最小是文章命十三歲先生賦詩言志而今八十平頭矣猶爲文章鎮日忙

聞奇中丞 恩給郎中銜管理 圓明園三山事喜而有作

作宦如遊山直上自然好倘不稍曲折領略終嫌少中丞弱冠年宮花已插帽一路揚旌麾

西川及嶺表七載大江南北皆鳧藻冬日舒陽和秋毫察窈渺吟詠萬家安嬉遊百事了

未免登泰山一覽天下小從此竟調羹天心道太早乃借旁來風忽吹布帆倒蚩蚩三吳氓

持靴欲前抱我道爾胡然善人 國家寶龍馬暫離鞍慈航偶轉棹果然 天意回春到梅花早許管三神山轉得遊蓬島仰首望蒼蒼卿月仍皎皎不久或重來南衙何必掃山中白髮翁一笑已忘老

蔣梅岸出示尊甫容齋先生偕友申耜先天台采藥圖遺照爲題一律

樓閣渺雲烟瑤壺笑拍肩是誰兩年少采藥到溪邊隔水疑無路逢花便有緣遙知劉與阮今日早成仙

病 十月十八日

一病原非死年衰易喫驚醫巫招幾輩兒女坐三更老樹風霜耐閒雲去住輕寒蟬雙翅在依舊作吟聲

題趙碌亭先生對松山圖

展卷如登岱松風撲面來斯人正年少隻手掃雲開老去難忘舊徵詩更愛才不知溪畔鶴可尙啄蒼苔 我亦泰山客回頭五十年壬戌年余登泰山至南天門而止當時小天下此日臥林泉宗炳重看畫洪崖似拍肩何時雙白髮同去作飛仙

接奇中丞信知加二品銜管喀爾烏蘇事却寄二律

盼斷長安旅雁聲瑤華吹到白雲驚纔教蓬島三山住又作陽關萬里行肩任 朝廷西顧重冠飄孔翠馬蹄輕開新賜花翎臣心久已清于水應耐風霜一路迎 十載龍門一夢過自憐雙鬢愈婆娑姑蘇隔水猶嫌遠絕域如天更奈何從古英雄多出塞于今良馬定奔波葡萄酒熟烽烟息好唱天山勅勒歌

薦霞裳與揚州轉運曾賓谷先生附之以詩

大雅扶輪力有餘東南轉運繼鮮于公追漢上題襟集公仿唐人溫段二公故事編邗上題襟集我獻昌黎薦士

書天際衆星原拱月人間化雨也隨車三江桃李栽千樹只恐歐門尚不如

暢月廿八日陳東浦方伯招飲瞻園

招飲南衙不速來衝寒花正放黃梅談深文字同忘老嘆絕盤餐易舉盃美飲素佳竟至沈醉

五郡簿書鈴閣靜一庭琴鶴綺筵開瞻園尊貴隨園冷風味依然兩秀才

方伯和

許爲一飯果能來恰喜輕陰散早梅妙論盡知聽大雅歡情敢料飲深杯六朝松石當人

立十詠風光對鶴開有瞻園十詠獨笑詩仙太相愛風塵不厭有粗才

燈下理書不能終卷自傷老矣

百物可決捨惟書最難別欲重溫一番桑榆景太迫翻經恐遺史讀子慮失集追思購買時

千金不顧直簡斷爲搜全編殘替補缺精華多手抄驅使當吏卒旦夕與綢繆丹黃與甲乙

幾枝蠟燭光幾點心頭血子孫未必知蠹魚或能說今朝大整理吾生萬事畢懶寫紙三千

自慙紀八十南朝沈麟士年過八十手抄書三千餘紙且喜書中人九原盡羅列不久即相逢何須更私覲

殘臘

殘臘蕭蕭歲又更衰翁夜坐每心驚自從老後翻無病但到花間尙有情人道伏波還矍鑠

我愁夷甫太鮮明時豫親王又每聽漏盡雞先報與汝何干要作聲

二月十二日淮樹觀察六十索詩

六旬花甲啟華筵生長花朝花有緣宦海抽帆真達者英雄退步卽神仙通侯故第安居好
公買張侯府號曰安園太守新河德政傳聖駕南巡公從江口開河直抵棲霞更看中山王隴上千松手植已參天魏公正在

塚上植松千枝平生使氣佩吳鈎老去心經注未休公注博局人爭呼彥道花叢誰不怯羅虬
千金券約投爐了二月湖山挾妾遊我敢稱觴無一語與公各自有千秋

除夕

一年盡矣在須臾雨細雲低臘未舒無處招人來飲酒有誰今日尙看書春如遠客將歸速
歲似交盤把舊除且喜斜陽還戀我比尋常去略躊躇

丙辰元旦

八十又添一 新君正紀元廿二歲爲乾隆元年恩逢千叟宴身歷 四朝尊賀客誰
投刺梅花代管門老妻梳白髮手自弄粃盆 六十年前事回頭似在旁一鞭行萬里三
策試明光冉冉浮雲過重重春夢長滄桑何處問只問滿頭霜

嘲守歲者

有錢尙須散有歲何必守不知人世間此例何時有徹夜全家忙守子直到丑誰知重門關
依舊歲逃走雖燒紅燭光難掩黃雞口我道子胡然別歲如別友故人自然佳新人未必否
任其自去來只要我長久不學傅修期年年六十九只學賈浪仙祭詩且沽酒

余三十三而致仕有句云可惜巢與由此身不肯老今八十一矣偶讀此句不覺失笑
昔入山時怕出山巢由不老發長嘆而今又被巢由笑老到來時也不難

以繡畫祝慶晴村都統時駐劄甯古塔

花甲人開塞外筵蟠桃爭獻大西天誰知遠進霞觴者尙有倉山一散仙 寄君一幅海

棠花采色鮮紅映曉霞知道將軍詩句好弓衣繡遍女兒家 當年記否喚吳娘濃笑書

空道姓唐今日瑤池倘重到麻姑兩鬢定如霜 懸弧同唱百年歌老我先叨八十過怪

底少微星尙在餘光分得將星多 祝公轉旆督江東再聚西園樂未終不信但看圖上

鳥雙飛兩個白頭翁

余五十歲用眼鏡今八十矣偶爾去之轉覺清朗作別眼鏡詩

是誰替我換雙睛黶黶捐除眼忽清與汝竟成垂老別叨光已領卅年情水因春暮冰方解
月到更深魄倍明從此鼻端兼耳畔永無牽挂累餘生

孫補山相公在西藏軍營深夜秉燭和隨園自壽詩六首將弁驚訝以爲有緊急軍務

也詩成傳寫方始釋然書來告知感謝一律

夜半牙旗捲朔風帳中筆響一燈紅羣驚草檄傳軍令豈料題箋寄野翁萬里雁隨雲入塞
六章詩似將成功老兵磨墨應含怒何物袁絲累相公

再寄麗川中丞

兩寄詩箋墨未乾遙從塞外問平安怕經吳郡當轅過愁夢遼西識路難江左自然春再到
晨星無奈漏將殘八旬年紀千行字應惹中丞掩淚看

成警齋都統素未識面蒙入山見訪枚小住揚州有失迎候及至京江走謁又爲風阻

途中蒙賜肴烝剪江而至

西清簪筆舊詞臣官領東南統制尊半刺正思投帥府八騶先已到蓬門渡江趨謁風偏阻

破浪傳餐蓋尙溫未得瞻韓情若此况教文史共深論

京江相晤誦見贈十詩知夙有同門之誼再謝一章

匡衡翼奉本同師海上成連見獨遲一面各驚雙鬢雪千金不換十章詩雲泥分隔緣偏重
膠漆情深水亦知從此秣陵烟樹裏雲停月落總相思

寓佩香女士聽秋閣主人未歸蒙左蘭城家岸夫分班治具都統成公屢以詩來同至
焦山餞別

京江小住聽秋閣竟作平原十日歡弟子攜尊排日飲將軍走馬送詩看香尋紅藥家家賞
活捉鮪魚頓頓餐歸過焦山重望海一天烟水又憑欄

佩香歸和

兩月揚州久未還荒齋聞博老人懽歸帆可奈先生早時先生亦自揚州到鎮明月難同弟子看有

臨陪臨陪望海無人朝夕勸加餐白頭知否懷恩意鎮日風前獨倚闌

敬軒敬軒明府諱之承山東人

活捉鮪魚頓頓忽聽仙遊兜率宮善政人方千口誦服官年僅五旬終鶯遷喜振雲中翮
陪望海無海上風君新陸海門司馬遙識吳儂失慈母忍看丹旆去江東 我本留侯門下人哭

敬軒明府沾巾廉泉一勺頻分俸仁粟千鍾更指困握手記曾留後約通家何遽了前因傷
別匆匆忽如昨猶餉新茶及早春仲春蒙寄新茶

莪亭莪亭孝廉

膠漆情深明到處停蠟屐范蠡有精苗新交如舊識君晚舉明經娛情住泉石漢隸及籀書

八儒兼三墨一一盡淹通等身多著述久聞天乙閣藏書勝西穴想向蒲侯借因到鄴架側
君家諸族人粲若屏風列蠹魚見我來蠕蠕盡逃匿芸草知我來餘香未消滅啟積無一編
但見灰塵積據云丁亥年四庫求書急恭進七百種天子大喜悅命付抄胥抄原本仍
發給重重官府門遠若人天隔無人敢往領遂致全散失方信牛宏言藏書有五層我入寶
山遲一緘乞不得賴君有雅尙愛搜古墨迹前明牘與箋裝潢高百尺中有楊左書字字萇
宏血公然我拜觀亦足慰飢渴君乃索序言諄諄相敦迫何圖白首逢遽作黃墟別難乘縞
素車遠弔張元伯只好學孝標修書踐諾責聞君素聰強偶然遭小極一朝竟委化七旬還
欠一我少一面緣來騎千里驛緣盡便乖分其故誠難測宜乎楚屈原問天天不說

三伏

炎帝代辭客幽人得自如門無朱鬣馬家有白雲車雨久荷花密風高楊柳疎年年三伏日
添著幾行書

消暑無事偶檢破篋得未刻古文九十餘篇中有尙可存者理而出之竟留其半大槩
皆少作也然非老耄之不能割愛即當時之過于矜嚴姑付開雕以質觀者

偶檢叢殘稿遺珠覺可嗟重番加甲乙照樣付麻沙悔黜貧時懶重栽拔過花倘非儂有壽
一炬落誰家

徐朗齋投筆從軍圖

孝廉船一隻落第去從軍投筆千兵捧高歌萬馬聞甘陳初學武隋陸本能文聽說燕然石
銘功正待君

哭福敬齋公相追封郡王詩

勳冠雲臺有重臣一朝天上作星辰誓清蠻觸寧知病力竭沙場竟致身家散黃金酬將士

貌留青鎖畫麒麟祇愁甲可銀河洗難洗三軍淚滿巾 西域班師未駐車又從荆楚建

高牙丹霄屢展擎天手瘴雨偏傷捧日花諸葛臨終猶薦士景桓辭 闕早忘家九原料得

公含笑已報軍前獲呂嘉公薨數日而苗 九重 卹典下非常四海聞知也斷腸 帝

增沿途勞執紼 聖躬奠酒忍臨喪招魂特建昭忠廟 錫爵追封異姓王如此哀榮真絕

代千秋竹帛有輝光 四章詩寄草廬中念舊憐才字字工業已成名傳海外尚能儒雅

繼家風青琴識曲真難再白髮銜恩感未終偷到泉臺趨膝下先王還恐問衰翁文忠公亦追封王爵

遺興

身世悠悠過八旬客來還說好精神燈光縱白終非曉霜葉雖紅不是春鬢髮全凋休對鏡

恩仇未報尚為人古今第一聰明士最愛南朝范子真 久耽水竹賦幽居偏有榮光照

草廬無驛遠來千里客終朝忙答九州書家藏帝子量才尺瑞華主人賜玉尺 門走雲鬢問字車身

在虛名竟如許未知身後更何如 黃公鑪下渺山河子野聞歌喚奈何貧怕盤空添客

至老貪睡少得詩多萬般往事風前憶一片浮雲水上過轉眼瓊林春宴近可容此老再婆

娑下科會試即已未矣 莫說無情尚有情風吹飄動許由驚易知秋冷身原瘦常對烟雲夢亦清

竹樹添孫多外向兩兒俱生兩女 梧桐忘老作秋聲歐陽當日文名重更要推敲畏後生

冬常早起夏常眠生性耽遊自在天身健每嫌兒女弱心虛常覺友朋賢魚貪涼影遊荷

下鳥戀殘花立樹巔記得當時康節語憑人謗我作神仙 未知還有幾年狂欲遣靈氛

問彼蒼杖有三枝空擺設食無四簋恰精良常臨水坐心常活不惹人嫌老不妨最是今秋
傷感處四賢詩册兩賢亡謂福敬齋郡王孫補山公相皆册中冠首

重九日爲凡民先生掃墓余年逾八十來日大難祭畢愴然賦詩與訣因甲午年詩有
君葬十三年我來如一日之語故起句首及之

過來兩個十三春依舊儂來祭墓門宰樹有情應識我故人來享也消魂離離秋草澆三爵
裊裊香烟散一村此後衰翁難再到定將此事付兒孫

戲仿易林五首

粉面遇雨其醜自取不見嫦娥淡妝如許 貧士遇珠奄人遇妹豈不相愛徒生嗟吁

案頭塵積衣上潮生無故而至總不分明 春冷過冬秋熱勝夏衰旺無常使人驚訝

鳥不巢桐蟬不鳴松一避威鳳一怯高風

雜書十一絕句

愛坐孫樵去佛齋不登梁武講經臺老夫心在羲皇上可肯攢眉入社來 不婚不嫁悟

真如我替如來大喫虛未到百年人類盡可將塔廟付龜魚 輕輕一紙越王書全活生

靈萬萬餘較勝兩階干羽舞漢文功德有誰如 小立芳塘有所思休文綺語合刪遲中

通外直蓮花性尙有纏綿不斷絲 數枝芍藥映欄紅香重風輕色更濃賜與羅虵花九

錫金刀作剪錦帷封 柝聲四起夜沉沉靜掩蕭齋獨自吟花影到牕知月上蟲聲如雨

識秋深 新茶人贈白雲翁舊雨爭來飲一鍾當作蘇門四學士朝雲手試密雲龍

落葉得風走瓦上野鷗避雨來牕前池中無故蕩船響籬外有人偷採蓮 衰年一卷手

常持捨去全無悅目資祇爲消閒非好學此情惟有蠹魚知 吟詠餘閒著食單精微仍

當詠詩看出門事事都如意只有盤餐合口難 酬應隨心最自如從來天籟勝笙竽兒

時愛著新衣好越是矜持越惹汚

聞麗川中丞又調葉爾羌矣久未接信

聞公西域換雙旌路隔天山又幾層開葉爾羌比萬里信遲青鳥使一年人盼白門燈星纏

驛馬身宮旺功立沙塲物望增早晚 君王召方叔滔滔江漢正軍興

補祝慶樹齋尙書來書以弟有詩 兄無詩見責

尙書花甲補徵詩已過稱觴兩載期天上不教青鳥報山中那得野鷗知調羹久已家留鼎

介壽何曾鬢有絲從古瑤池王母宴偷桃方朔總來遲 記來南國唱皇華招得衰翁載

後車兩點金焦迎使節幾番詩酒醉通家卿雲雖別光常照冬日留溫影未斜公生日 在十月不久

瓊林儂要到添籌再獻杏園花

送陳東浦方伯調任皖江名萃 江西人

五載屏藩物望尊一朝玉節走雕輪皖城有幸迎郇伯江左無緣借寇恂卿月本來難久照

仁風何處不班春只愁明歲瞻園燕錯認堂前舊主人 臣心如水平清但見風人便

情俸薄酒常置東閣官尊貌不改書生請天三日甘霖得今春苦旱 公朝禱而 暮雨故用 東廣微語睡地千篇

頃刻成豈獨陳遵夸尺牘詩才壓倒謝宣城枚愛公尺牘多 治公詩十二卷雲泥分隔意綢繆肯

把心期物外遊愛訪烟蘿常命駕恐驚猿鶴不呼騶公來山中 不道蕭家侍史傳箋慣 公僕程

每有文字 必遺渠至王粲英年掃榻留枚薦王西林 秀才爲記室每到清談動移日九霄老鳳一閒鷗 德星久

聚手難分忽唱驪歌耳怕聞正喜青琴同識曲何堪白髮又離羣一江秋水旌旗遠兩地蒼生盼望殷偷到大觀亭上望小倉山下有孤雲

不寐

老來最怕夜如年不是鰥魚也不眠苦望天明如望榜一聲明砲便欣然

孫補山相公輓詩

星折中台朝野驚拳拳遺表見生平三公坐席何曾煖八十從軍慷慨行傳箭峨帽苗女捧著書西域陣雲清公著西藏志信來借書公真不愧梅陶語忠慎勤勞似孔明 聖心哀感 詔纏

綿 卹典重重下九天臣力盡時雙目瞑 君恩深處萬人傳謝元賴有孫能繼王猛深知

子不賢公遺表云臣子不肖願以孫襲隆偷見朝雲訴家難也應東海旱三年愛姬沈夫人被誣冤憤先亡 五羊城

下拜旌旗衰朽曾蒙國士知八座鳴鉦來視疾六鷺飛馬替傳詩星移白下重逢速人去黃

扉再見遲聽說江東諸父老至今翹首望歸期公所出告示民聞刊刻傳觀 今春芳訊雁頻通豈料

公歸兜率宮一勺廉泉猶在口公贈金十笏署曰非食泉也先生可飲 幾行衰淚又臨風家鄉有墓西湖重勳

舊無人北闕空福敬齋郡王同在軍中先公薨逝 安得韋丹碑十丈儘教杜牧寫殊功

獨坐

風滿長廊月滿庭蕭蕭獨坐一燈青常疑天上仙何在最恨人間鬼不靈眼看大千諸世界手持小品法華經秋聲何苦年年至到像衰翁耳愛聽

再示兒

山上栽花水養魚卅年沈約賦郊居書經動筆裁提要詩怕隨人拾唾餘三代文章無考据

考據之學 一家人事有乘除阿通詞曲阿遲畫都替而翁補闕如余不能畫 詞

送方詡菴觀察

觥觥詡菴公仁風江左宣一旦引嫌去士民俱拳拳或爭嗅韃鼻或思拗馬鞭僉曰昔觀察當作傳舍觀惟公甫下車恩威竟赫然無徵人不信聽我歌一篇 觀察夫何如學道始

東魯國人皆曰賢君子以為古判事重南山隨車帶甘雨公羊創邪說兄弟分母父遂有闖墻人忍將弱弟侮公訪搆訟者嚴鞫加箠楚從此不軌徒聞風氣先阻明如日破黑捷若箭離弩雷霆劈鬼膽佛力馴豺虎吏從冰上行民向風前舞我知公經綸十未施三五但借寇

一年此邦為樂土 吳淞多海氛往往抱鼓響官吏不知兵遇賊膽先喪公昔攝觀察慷慨將書上某嚮宜設伏某港宜搖槳或驗風色行東南須辨向或練水犀軍糧薄宜加賞會哨集我眾探巢搜彼黨未戰先習船揮戈免吐浪善事先利器平時修甲仗才如唐休璟萬里指諸掌勇哉灌將軍奮臂請親往 相國劉諸城當年擅威福公作秋曹郎升堂論刑

獄元老一言定諸曹盡瑟縮公獨執法爭一士偏諤諤宗資諾可畫游肇筆難曲相國為改容盈廷嘆忠告一時朝士中驚看麟獨角即此見生平肯因人碌碌 愛民先禮士手扶大雅輪鍾山有講舍多士蒙陶甄尅期呼騶至口將經義申義義解多冠言厲色則溫濟濟

青衿列聞訓書諸紳每逢宣講日相戒毋逡巡頗如弟子情怕受先生嗔欣沾時雨化崢嶸見文風振惜哉桃李樹不能長留春 公昔寓白下屢蒙詣山莊芳花生滿齒佳什披琳瑯

昨冬乘繡幃奉 命來巡防方伯陳太邱清風相激昂方伯調遂使一間鷗得逐雙鳳凰風月時談論治理或咨商忽然悵分手兩賢齊啟行方伯調老我既難別更代民思量如兒奪其

時談論治理或咨商忽然悵分手兩賢齊啟行方伯調老我既難別更代民思量如兒奪其

乳如川移其梁恐返渡河虎更添朝飲羊安得吹慈雲依舊覆江鄉

駱佩香女士歸道圖

小別西王母紅塵四十年三生緣忽了一日悟真詮洗手翻靈笈拖裙采妙蓮將心安放處如月放中天 入夢非非想空床只自知如何女龍寡不作蕞砧思落筆多仙氣伊誰作導師九天元女問莫說老袁絲

題妙巾女子瓊樓倚月圖 有序

乾隆庚午蘇州詩人蔣盤漪教題納姬册子并抱所生公子嬰媿出見為賦長慶體一章載在集中今四十餘年矣公子綰綬皖江政聲循卓又以丁姬妙巾小照索題余老矣棖觸舊事一往情深惜子固叔姬雙雙俱至而余又遠游揚州不得一見故第五首及之公子名業謙字湛華太夫人住白蓮橋少有觀音之號

飛瓊身本住瓊樓偶到人間字莫愁誓與姮娥常見面夜深不肯放簾鈎 晚妝纔罷倚

雕欄月下窺園倍有情知是桃花知是妾問郎曾否看分明 枉費冰人說薦蘿美人方

寸是星河一逢蔣濟真才子便唱丁娘十索歌 姬曾却富人 千金之聘 生長西溪學浣紗一朝皖

上看桑麻知隨潘令班春去壓倒河陽滿縣花 孤負雙雙駐畫輪衰翁偏作出山雲披

圖喜見驚鴻影未識丹青肖幾分 題罷風詩笑口開惹儂往事上心來白蓮橋下觀音

降江令當年早費才

詩塚歌

晴沙先生選詩畢 公選梁漢詩自漢魏以至本朝 剩稿橫堆三十尺作何位置費商量欲焚欲棄心未決

賈生闖入大叫呼投諸水火詩無辜盍將斷簡殘編葬當作枯骸朽骨乎相彼惠山下厥壤
惟墳墟殮以文梓匣加以純灰塗二泉環流清似雪較勝水銀江海黃金鳧賓賓學子來會
葬都是鬱鬱佳城墓大夫鬪體臺點鬼簿團聚詩人無萬數樹檟何妨七尺高樵採應禁五
十步楚些招鮑家唱青山夜靜聞聲響地下騷壇个个爭墳頭吟草枝枝長君不見 本朝
顧俠君選刻元詩三百人夜夢高冠如箕一齊來拜謝想見名心未死不以陰陽分君今此
舉古來寡文冢筆冢難方駕泥封更比紗籠尊火燒亦不秦皇怕我欲高刊華表十丈碑大
書過路詩人齊下馬

賈生
墓

哭和希齋大司空

有序

枚與公素無一面而兩次書來云先生 聖世奇才久思立雪軍中帶小倉山房全
集朝夕諷詠虔等梵經又寄懷云相逢知有日天不墜文星嗚呼文星未墜將星先
墜矣八十衰年非常知己而終不獲修士相見禮其能無腸若涓湯揮毫一慟耶

伯爵才封 賜紫纒忽聞三楚喪元良祭遵儒將人多愛鄧禹英年事正長不待兩階舞干
羽竟將一死報 君王 聖心正是焦勞際又灑 堯天淚幾行 刻意憐才孰與同小
倉詩當梵經供久思立雪言何重未畫凌烟帳已空萬里孤臣烟瘴外三生知己夢魂中癡
心想借金靈馬追到泉臺一見公

過吳門有懷麗川中丞

偶泛扁舟往浙東戟門重過意忡忡高牙大纛依然在不見詩人嚴鄭公 一天風雪水
盈盈獨捲孤篷看月明倘使公家還在此幾番歡笑幾番迎 秋風九月接瑤華紙上猶

飛塞外沙想對天山萬重雪還思陶令一園花
丹老去渾忘事只有恩門死不忘

千里相思兩鬢霜雲峯難割九回腸師

翁雲槎徐守愚王紹曾皆奇中丞侍者見余來蘇如見故主置酒爲歡余感其憐才念

舊一往情深贈詩一章兼寄中丞

中丞曾築招賢館侍者能憐穎士才一艇偶從吳下過三賢齊道故人來花如相識皆含笑
酒爲衝寒易舉盃王謝堂前舊時燕依依也繞百千回

題歸佩珊女士蘭臯覓句圖

仙人謫下瓊瑤島生長朱門讀書早寫就簪花妙格妍詠來柳絮清才好客春曾見衍波箋
詩比芙蓉出水鮮已把名香熏什襲還將佳句付雕鐫今來小泊申江渚曳杖隨風扣仙府
蒙卿一見老袁絲喜上春山眉欲舞自言十載奉心香俠拜甘居弟子行一朵琪花天上落
也隨桃李傍門墻白頭意外蒙矜寵三日三來不停踵捲袖親將鳩杖扶抽簪還把茶甌捧
手贈雙銖金錯刀更分雜佩瓊瑤束修多是裝奩物探出羅襟香未銷匆匆潮落催回棹
惜別牽衣情怏怏但願衰翁似白鷗青溪黃浦頻來往誰畫蘭臯覓句圖仙姿蘭氣頗能摹
何妨添個西河叟常許朝華問字乎

題天平攬勝圖爲珊珊女子作

一綫盤空上天平景最清松林秋寺古峯影太湖明雲壓裙釵濕風吹環珮鳴詩成誰作答
繞屋有泉聲老我來梨里三眠寫韻樓燈殘還問字吟罷始梳頭白髮難爲別紅妝易惹愁
可當攜比卷覽勝與司旌

再展和希齋尙書手札淒然有作

焚香再讀八行書老淚盈傾眼欲枯議論儼然王者佐胸襟肯受宋儒拘札云宋儒之為道也拘

因文識我真奇士為國亡身古丈夫底事三賢同歲去不憐一叟寸心孤札云讀先生之

人為未曾一面早心開偏在雲霄憶草萊忘却通侯為上將屢誇 聖世有奇才身騎箕

宿天邊去魂逐倉山集上來此日三湖連九塞金風鐵雨有餘哀

吳王西林秀才有序

西林名汝翰其父廷泰余試童子時之案首也西林才過其父而溺苦於學以咯血

亡年纔二十六歲

曾見而翁美少時卅年又見小瓊枝老夫當作鸞雛待爭奈偏教鵬鳥知 殿前楊柳張

思曼天上瑤金劉叔琳一日驚風摧玉樹不知造化是何心 記否同眠水竹居風簷殘

燭夜窗虛夢回千樹梅花下賭背兒時舊讀書 也曾學佛拜天尊也愛絃歌入聖門今

日西天與東魯教人何處與招魂 文章攻苦太嫌過嘔出心肝奈爾何料得春來書帶

草年年生長墓門多 輔嗣身亡最可憐九原辜負腹便便多時水月松風處定遇談元

一少年

觀瀑

海被風吹起狂瀾直上天山川齊助響草木盡生烟點額初疑雨飛珠忽打肩何時千尺雪

洒遍萬家田

阿通生子賦詩戲之

小倉山房詩集卷二十六終
一
吾兒真不肖弱冠便呼爺可記兒來日而翁鬢已華邑名勝母處曾子早回車何苦添丁急
希圖跨竈耶

臘月十四日別蘇州還山作

出門納履便行矣歸里臨期轉黯然不是伊桑戀三宿只愁丁鶴別千年賓朋心惜風中燭
祖餞筵開雪後天更有金闈女弟子牽衣捧杖倍纏綿

小倉山房詩集卷三十七 丁巳

錢塘唐枚子才

丁巳元日

八十又加二人憐天亦憐童孫初入抱臘月朔日阿通生一子阿鴻案尙齊眉努力尋三樂關門靜一年

好教來歲健重赴鹿鳴筵明歲即戊午科

新正喜晴

今朝纔像是新正梅蕊離離報曉晴老眼破昏如更少嫦娥久別倍多情芳園門外車騎響好鳥枝頭口舌輕況我衰年尤愛日看書要趁夕陽明

余病痢醫者誤投葠者遂至大劇

胸橫一老字動手便侵葠譬治萑苻盜先存姑息心彎弓忘審的閉眼亂穿針始悟中醫好俞跗何處尋

不寐有感

老去神衰夜不眠更籌數盡五更天乞誰送入華胥國一夢強於活一年 人生在世如

雲耳雲去雲來雲本無生怕易來不易去惡風攔阻在中途

病中不能看書惟讀小倉山房詩集而已

病中何事最相宜惟有攤書力尙支悅耳偶聽窗外鳥賞心只看自家詩一生陳迹重重在萬里遊蹤處處追吟罷六千三百首恍如春夢有回時

病痢劇甚蒙張止原老友餽以所製大黃聞者驚怖搖手余毅然服之三劑而愈賦詩

致謝

藥可通神信不誣將軍竟救白雲夫大黃俗名將軍醫無成見心纔活病到垂危膽亦麤豈有甦人
羊叔子欣逢聖手謝夷吾全家感謝回生力料理花間酒百壺

周青原舍人札來勸勿服藥

明知勿藥喜當局便迷懜身困求援急醫多聚訟忙補羸無紫桂厄閨有黃楊得汝箴規語
如餐續命湯

憶梅

久已東風到若耶千枝香雪未橫斜寒梅似為居停病忍住春寒緩放花 兒童走報蕊
初舍待到花朝賞尙堪我欲杖藜扶病起巡檐一笑死猶甘

折梅插瓶供之寢室省往看之勞

巡檐終竟怕迎風忍折花枝伴老翁笑汝林家為外婦不會迎到洞房中 夢醒羅浮月
影涼美人何在但聞香呼童慢把衾裯捲且讓殘花睡滿牀

止原勸病起尤宜珍攝再謝一詩

張華慮在平吳後士燮深憂克楚前同是超超元箸意知君不愧古時賢
病中雜記古人事之可喜可愕者作絕句十六首命兒輩錄出以擴見聞

商王愛酒酒為池痛飲晨昏竟失時特遣官奴問箕子答云臣醉不能知箕子 主上執

鞭迎道左百官屈膝跪雲臺將軍還要出身正依舊還鄉舉秀才陸遜 休將伐國問仁

人家數牀原上下分阮籍看人惟白眼蘇瓊將我入青雲蘇瓊 太師赴宴舉家遊望見

路入羊腸轉更紆愁殺班姬舊團扇伴郎纔熟又離居

偶折

偶折花枝懶惰生吏人擊柝又心驚縣庭公案秋階葉一樣闌殘掃不清

送同年陶京山之官滇南

同年十載前升沉兩不知同年十載後悲歡自得之我今辭官日送君作郡時君將往滇南
萬里從此辭倉皇料行李來索故人詩故人一舉筆百感如抽絲 皇帝戊午年孝廉集京
師翩翩兩年少顧盼無髮髭我時登翰林君歌歸來詞亡何我作吏君鄉我所治君鄉古金
陵山水天下奇養病乞隨園解組仍棲遲君忽捧檄至煌煌腰金龜新官掛舊官治化願商
咨髣髴兩令尹長鬣相支持即此面目間逝者已如斯何況大江波滔滔曷可追今夕復何
夕春風吹花枝不恨酒盃少但恨生別離不願遽遷官但願長相思明日隔山川皓首爲前
期

天風閣

山巔起高閣其高與天通明窗廿四扇扇扇來天風呼吸飲沆瀣坐招浮邱翁白日出大海
徘徊扶桑東未向世界白先來此閣紅青青九點烟羅列歸雙瞳笑指大江帆順逆誰家篷
雪來天地淨月來天地空閣下有浮圖偶然一聲鐘

南樓

一樓青山橫滿窗明月冷美人獨上時自踏娉婷影隱隱闌聲茫茫雲樹景試向烟中呼
飛鴻來亦肯

水西亭

活此園內景全在一池水水聲流向西亭以成其美荷花十二時濛濛香不止蕩開蒹葭霜
明月乃在底我學李王孫喝月水中起

山上草堂

山上有草堂對望北極閣風雨當三面闌干繞四角不見世上人但見世上屋不見天下春
但見天下綠

判花軒

從前判花軒本是在官衙我今移此處四時料理花畫圖六十幅書卷千餘車古鼎燒香烟
沉吟白日斜黃鳥如嘉賓早晚來啞啞鳥亦疑此軒道是仙人家

枚年十七杭州朱端士先生命製七十壽序爲忘年交再十五年枚歸自江寧拜先生
於橫河之西年八十九矣神采如故感贈一篇

先生兩眼如明月十五年前懸清光照我一帆掛江海雲離雨散三千場我今來訪河水清
水流不盡故人情先生大笑披衣迎滿堂風雨飛春聲自言昨夜夢我至我今果到夢中地
前堂燈舞後堂歌分明不是前生事先生老筆猶橫陳先生意氣如青雲灑灑何以送日月
朝朝磨墨揮千軍萬松嶺上梅花杖龍魚不跨乘風上崇文書院湖水邊阿婆塗抹驚少年
八十九年春正早手書亥字知多少棋罷何知歲月更身強只覺兒孫老且莫言黃頰青曾
變幻餘眼前樹木非當初但記我來介眉壽先生見我不見髮忽然歸娶宮錦香忽然鬢
鬢髮蒼君如轆轤轉我腸我如傀儡舞君旁回頭不覺春風忙但看江波日夜流茫茫入魯

尙拜靈光殿還鄉得見中郎面此時相見能幾杯此後相逢知幾遍況我風塵累未終買船
又作南飛鴈錢塘六月溽暑濃雲雷日日東南峯感激知己心忡忡願傾東海添金鍾先生
來醉荷花中年年顏色如花紅

梅雨

日脚未出雨脚入前庭天青後庭黑皇天雜施陰陽功道是江南黃梅節忽然珍珠傾萬盤
忽然瓦簷留一滴來如咳噫無定期去如藕絲未斷絕迷宮步障張滿空美人一日千回泣
雨師心碎耐雜煩陽烏壽短較頃刻巾箱氣鬱白毛生寢堂几滑蝦蟆立造化母乃弄奇怪
雌蜺雄雷示不測豈知天心愛我民滂沱有意洗吳越吳田越田多水稻稻如小兒喜乳汁
密雲不交天乳乾轆轤聲聲轉愁急兒童迎龍打瓦鼓老叟驅魃鞭陰石不願家藏金一流
但願塘留水三尺當今西川罷用兵駱駝脚住牛背歇此雨直從天河來甲兵洗盡無餘孽
我時南行揚子江破篷亂打燈光怯滿船渠獵舊衣裳爛盡不值青蚨百但願陰雨接秋霖
爲天削除六七月更願酒盃似此雨早晚不拘隨所適

雨夜宿白土

涼雨接路生天地如新浴征夫走旅店波濤逐兩足怒潮語敗溝荒燈閃茅屋饑蚊鳴若麻
展卷不能讀炙雞得半醉起自理枕褥秋冷從天來先到空床宿美人各一方此味非吾獨
白土抵秣陵百里猶屈曲路近心轉紆五更呼僮僕添驢兩三頭加鞭一百束盡日走江城
夕陽看修竹

蔣誦先復園宴集圖

復園之奇無不有千山萬山夾花柳復園之客無不狂科頭赤脚多徜徉就中宗伯吾同年
頭顱霜雪澹若仙一朝勝事成雅會畫圖十載猶流傳我今來宿主人家諸公散盡空梅花
夕陽在天風在樹美人不來春不去時寓園中訪姜棋子重敲亂石前釣竿再拂雲深處主人把圖
捉我手此中面目君知否家僮父子兼師友約畧衣冠二十九請君磨墨不開口一一題罷
纔飲酒我昔無畫今有詩人生聚散能幾時一床明月一雙鶴花開花落長相思

寄江西撫軍唐荻村先生

積年懷斗嶽殘歲拜江城雪色千窗滿葵衷一夕傾相知兼兩代垂感極三生往日徵詞客
微軀困玉京詩投賀祕監譽借李長庚月照梅花發風吹桂樹榮太常秋祭罷藩伯粵西行
大阮從油幕諸袁藉品評嘯枯合喬梓清俸寄蓬瀛乍轉東山駕旋飄浙水旌銅符剛奔走
竹馬未逢迎靄靄陽春渥茫茫宦海驚風波身幾度蕉鹿夢重更浪拍山仍峻雲開月愈明
艱危占定力患難見交情 帝念西江地人推元老名匡廬聽號令草木鑿精誠 眷注全
終始馨香重晚成自憐求病假暫爾息塵撻白髮雙親重青雲萬事輕新鴻馳楮墨舊雨託
公卿精立不盡低回意牙琴海上聲

隨園樹上鷺鷥巢如車輪家僮舂以戈三雛纍纍委地鷺鷥歸繞樹哀號晝夜不止余

悲之爲作鷺鷥號子之曲

山上有鷺鷥繞樹尋其雛尋雛不可得鷺鷥鳴嗚嗚昨日哺吾雛雛口張向娘今日銜得蟲
眼目不忍嘗直飛向高樹雛巢竟兩亡一株復一株樹樹親迴翔雙翎翻轉仄兩眼看周詳
母子生別離天上風茫茫謂是雛已飛翅盡無因依謂是娘來遲來去無幾時謂是誤所之

分明此樹枝偶聞別巢啼狀貌非我兒豈不念兒死冀其猶在茲豈不畏弓繳老身何所辭
只恐娥口低呼兒兒不知兒去無還日娘呼無盡期我向鶯鶯語汝情母太苦恐雖長成
未必遽反哺請汝迴烟霄免我增凄楚鶯鶯如不聞長鳴已三月初鳴聲於邑再鳴聲斷絕
起視樹根頭草木盡流血

許滄亭觀察馬扶風太史兩老人過訪隨園喜作兩叟歌

紅日一丈柴門開龐眉皓首兩叟來不知爲仙與爲佛但覺天風颯颯吹麻鞋一叟疑是馬
自然紅霞嚼過三千年玉尺量我錢塘江江上小兒纔扶床江水滔滔流一片此兒已宰江
寧縣江月茫茫秋復春此兒已作山中人山中錦瑟如人長老叟叟杖猶來往不管南海變
滄桑但把青山畫紙上一叟自號許飛瓊入水不灑火不驚洞庭之波知我心瀟湘之花聞
我名半空撒手便飛去千金買屋居金陵贈我詩句氣如虹驅遣蘇詩如化工蘇公已老叟
不老七十容顏猶美好釣鰲長竿爛不收梅花菊花兩詩稿兩叟兩叟既來過請叟不言聽
我歌當年兩叟同豪華當年兩叟同風沙叟不見鳳凰高翔羣帝傍天公美酒傾千觴此時
意氣如海水高闊未許人思量忽然黃河捲浪向身瀉泥沙土礫污衣裳排雷斡電雲霧息
回頭人世已夕陽又不見老樹槎枒好交結根入九霄通南極長劍欲斫斫復休殘枝尙帶
人間秋吁嗟乎黃土厚碧天高悠悠四海誰英豪縱有二三豪健者又使龍蛇躡曉生波濤
不愁豺虎咬不愁霹靂燒但愁將軍七十餘戰後微覺鬢邊霜雪來蕭蕭試觀兩叟萬千塲
如一夢何若青山綠水我今日之逍遙水有荷兮如蓋山有榴兮如火長跪向叟問再來果
不果明日兩叟來看山後日兩叟來看我

古意

妾本良家女，少小多容芳。十三學錦瑟，十四彈清商。良媒干選擇，得升君子堂。柔心承恩澤，翻使愁中腸。不愁君不愛，但愁愛無常。平生針線迹，都在繡鴛鴦。他人所織布，妾不量短長。胡爲衆蛾眉，悠悠相謗傷。初言君不信，再言君且防。三言君見問，四言君撒床。妾欲自申明，有淚聲不揚。妾欲誓青天，六月無飛霜。後言雖有入，前言不能忘。不如辭椒殿，嘆息守空房。亦自傷薄命，豈敢忘君王。

問月

問他牕外團團月，曾在瀟湘見。我不十九年中人，似夢三千里。外水空流過，來塵海茫茫。事難向嫦娥細細愁，只憶當初相對處。潘郎可有雪盈頭。

小園

小園花嫩草萋萋，公子新歸繫馬嘶。愛聽相思怕聽別，只栽紅豆不栽梨。

似村公子清江信，來訂相見之期。并寄三兄璞齋見和落花詩。

柳花白處別郎君，柳葉青時信。又聞知否愛閒多，病客半年不出山雲。雙飛尺素遞。

黃柑先訂西牕酒，共酣柔櫓一枝波。正綠又搖公子入江南。沐鶴溪邊花亂開，大郎迴。

後小郎迴通家，便是溪頭鶴親看。仙人取箭來。三郎遠寄落花詩，清角琳琅幼婦辭。梅。

自過時桃，尙早竟將羌管一齊吹。

顧稼梅春溪放艇圖

芳草斜陽軟浪天，浮家泛宅有神仙。白搖小艇歌桃葉，看弄柔荑理釣絃。山翠遠含衫影綠。

釵痕涼拂水花鮮笑儂題罷先生畫正爲尋春要上船

陸郎輓辭

郎小字千里薛一瓢外孫也膚神兩清玉雪可念壬申五月一瓢爲香山之會命郎出拜今六年矣余再來吳門郎已化去沈歸愚侍郎序郎之敏悟爲小引以徵詩

水南軒上酒盈卮曾見摩挲玉一枝今日童烏同鶴瘞一瓢有再來秋士對春悲梁飛玉燕魂歸日露冷桐花鳳去時嘆息龍門好文字楊家無憚欲傳誰

病起

病起深知萬事虛玉樓已去又回車玉皇問我何留戀尙有人間未讀書

彭芝庭少宰招飲即席命題南陔圖

三徑蘭風愛日長諸公齊詠白華章阿誰得有香山福親醉裴公綠野堂 菜甲自栽平

慮草魚波可愛水梭花寢門終比楓宸近睡起紗窗日未斜

贈徹凡上人

山人門掩桃花雨有僧敲門作吳語昔年儒服今年僧說到滄桑恨不勝當年儂住館娃宮隣有江君號雨峯定交杵白晨昏共相對芝蘭臭味同江君好古雅成癖余亦貪奇愛搜輯朝將威斗辨甄邯夜爲單于題服匿其時丹桂發天香令子登科舉壽觴燈燒羊侃金花燭銀鑿魚宏八寶床奢豪意氣孟嘗君車馬喧填客似雲中有吳閶戴處士當門彈鋏獨超羣處處拏舟歌得寶時時絃索弄參軍明年五月江帆動戴君置酒江君送華堂三疊紫雲回分明不是前生夢六載風沙萬事非江淹才盡淚沾衣牢盆握罷錢何在窮瀆流乾水不歸

大厦已傾無雀賀夕陽將墜有烏啼戴君飄泊情無賴一朝償盡三生債自削頭顱雪萬莖
主人尙有如來在南宗北證兩相參滌盡塵心號徹凡松花滿洞白雲冷欲訪斯人路莫探
可憐天道更難論江氏蕭條盡一門祖爲憐孫相繼歿兒因哭父又無存斗酒澆殘喬氏墓
巫陽招斷屈原魂翟公門冷誰相過孤兒曲唱家山破惟有方袍圓頂人相看不忍王孫餓
意欲推袁好託孤公然訪戴涉江湖不辭烟水三千路暫放菩提百八珠相對青山喜復驚
感僧風義淚縱橫豈有空門能念舊斷無菩薩不多情未隔輪迴忘夙業仍將老衲喚先生
先生一榻垂楊下長日消閒惟有書隨手拈來總疊花有時摩頂松將化萬樹紅燈半夜簾
江郎攜手共逍遙送郎似送毘曇佛不到西天願不消香火因緣夢竟醒功成行滿付丹青
他時要說人間法但誦儂詩當誦經

春分日似村招飲西園時余將往揚州而似村將歸北闕留詩贈別卽和其韻

河梁同日感離羣淚灑羊欣白練裙二月客從花底別一年春在雨中分

是日燈雷聞雨余驚欲呼與而雨息

風窗燈影三更酒玉笛關山萬里雲狎恰相思何處寄買絲終日繡郎君

送潘筠軒學士還會稽

秋花明秋陽故人還故鄉送君兼送秋使我心內傷同作寓公人先倡歸田賦衰草萋寒天
夕陽引前路前路向何處步步入山陰行向吾廬過西湖秋水深蘇武返漢關李陵前置酒
歌罷泣數行向南頻回首我爲張童子君爲昌黎賢同出陸公門起家桂林巔鴻爪有

陳迹矐靈無停鞭分鑣紫薇省並軌滄江天絳帷不可見華髮忽盈顛寸心如月皎萬事隨
風旋人老惜新別花殘戀暮烟交情或可忘難忘二十年問官稱學士紫綬腰銀魚問

年書亥字鳩杖行鄉閭問息有舒祺垂老獲明珠君子有三樂欣欣賦歸歎摩挲銅狄仙冀
除瓜牛廬花下鄉先生田間上大夫飲酒徵需雅行樂歌山樞習靜得真逸忘機近元虛念
我三秋心加愛千金軀乘風復來翔柴門候巾車

重九後一日岳水軒劉南廬李晴洲陳古漁來登天風閣分韻

家有登高處門來采菊人重陽雖昨日落帽在今辰山頂江浮閣芙蓉秋作春莫教虛此會
才語鬪清新

喜西圃來白下

喜逢君至桂初香又借荒村草一床夜夜獨歌山絕頂雙雙同赴酒千場遲開只覺碧蓮嬾
早起始知清晝長聽說出門西笑去前途珍重鬢毛蒼

林輪溪硯銘册子

不割青雲割紫雲屢將貪墨試羅文滿房流出端溪水此是人間萬石君 硯田原有舊
家風阡陌親開樣不同自製銘詞三百首年年耕殺管城公

雙美讀書圖

十二欄杆秋水邊珮環聲隔落花烟神仙只有天台好玉女一雙春萬年 大姑采蓮停
織機小姑采苧製郎衣風前挽手齊一笑三十六隻鴛鴦飛 朝雲暮雨半荒唐擬把餘
生託此鄉同是一場春夢裏誰人得似楚襄王

題元稹決絕詞

疑他神女愛行雲故把鴛鴦抵死分秋雨臨邛頭雪白相如終不棄文君

揚州借馬秋玉陸停川看梅平山歸飲天寧寺分賦

仲月春始半，艤舟古維揚。爰從陸家秀，追陪馬氏良。出郭至環溪，沿流登山堂。梅花萬枝雪，玉立環平岡。照影地全白，搖空天聞香。余性愛古玉，環珮紛鏗鏘。如偕綠萼華，同驂鸞鶴翔。山影澹寒流，江波沉夕陽。歸寺月初上，風露浩已涼。當門好修竹，戛耳彈清商。重剪華堂燭，各各入醉鄉。

與何西舫孝廉遊山後海子網魚而歸

山草長數尺，踏草草欲鳴。轉側過山背，一樹孤花明。長澗如匹練，覆以楊柳青。澗邊老田父，斗笠來相迎。面有主人意，款接何真誠。餽以樹上桃，纍纍盤中傾。桃雖未成熟，奈此野人情。一聲魚潑刺，不覺貪心生。戲舉緯蕭起，銀鱗耀眼橫。得失占天機，豈爲杯中羹。旣得亦自喜，歸來索鼎烹。遙聽打魚處，尙聞犬吠聲。

花朝前一日周蘭坡學士王孟亭太守涂沈秦陶四秀才看梅隨園分得鶯字限七古

體禁用瓊瑤玉雪等字及梅花典故

主人錢爲梅花輕，紗朝招客吹金笙。來客車爲梅花爭，長裾雜珮紛相撓。青天春爲梅花晴，白雲藹藹烘花明。翩然一揖措雙睛，太守學士四門生。十二隻履繞樹行，一枝澹拂千枝迎。雲英迺露浮青莖，列仙不語烟中橫。深深鼻觀如有呈，諸天宮闕無流鶯。有笛不敢作春聲，有筆不敢矜才情。相約白戰無寸兵，如滅聞見遊太清。雲嫩水瑟冰絲鳴，鬢梅花詩乃成。諸客惘然酒自傾，相看臙腑生水晶。出門斜月拖江城，羣花亦隱夜二更。

懷通家龔雲若進士

星郎踏雪訪牆東，自入新春信未通。
病起擬歌將進酒，花開誰伴半衰翁。
滿城門掩清明雨，一笛聲寒翠竹風。
惆悵南都舊桃李，年來賸有幾枝紅。

周石帆學士秋林覓句圖

先生本秋士，家住延秋里。
日日望秋來，桐音吹滿耳。
兒孫倦讀書，大呼秋至矣。
先生入秋林，一坐不能起。
以茲筆墨緣，悟彼山水理。
萬木刊浮華，百川清見底。
松根削灑灑，石骨露齒齒。
素飈無近情，澹月有微旨。
先生晚年詩，所得多類此。
豈獨木犀香，吾無隱乎爾。

得桂歎

每買桂一枝，直當三千錢。
偶逢刈薪翁，負桂花參天。
請以錢易之，盈百翁大喜。
移植隨園中，香冠羣花矣。
人皆笑花下我獨泣，花中傷心天下桂。
何必盡遭逢。

清明苦雨寄涂秀才長卿

門掩清明節，簾垂雨氣深。
杏花雖不語，寒影恰關心。
烟重濕新綠，竹涼啼暮禽。
春愁無著處，題句寄繁欽。

董彤菴觀察解組兩年又蒙 廷召將赴長安過隨園話別

甘棠枝上慶雲生，知有賢人入郡城。
鄉里久歸冀勝駕，朝廷猶記弱翁名。
商量詩句攀花立，愛好雲山曳杖行。
坐久不知秋色晚，金鞍涼映月華明。
浮生蹤跡等擲沙，記否橫塘小

玉家。知己忽逢三語掾，挑燈消盡六班茶。
一江風定聞呼渡，萬里人歸學種瓜。
送出柴門還

耳語木蘭船，帶幾枝花。

公多姬侍

藍士賢刺史乞病歸以畫像四幅屬題

碧落翔丹鳳天衢馳高轉道行得大適風阻且小留賢哉藍大夫霜隼橫孤秋刺符必赤緊
敷政先安鳩吾皇十六年江南迎冕旒其時箕斂者戢戢持牙籌舐糠多及米枉道時鳴
騶萬目駸駸中斯人獨搖頭請爲何易于腰笏自引舟請爲元紫芝于蔦陳清謳官辦有時
已民頌無時休天子聞所聞循良拔其尤錫汝一片金畀汝斗大州三年待報最一病生
窮愁籃輿還白門父老迎道周願繪循吏像四時羅珍羞公笑捋其鬚丹青得肖不或坐而
箕踞或騎而兜鍪或綠水之坻或白雪之邱春秋與冬夏幅幅何夷猶圖中存故我圖外無
他求蕭蕭三月天行李如輕鷗毋使我公歸頗聞蒼生憂安得生黃金鑄像從公遊不如留
此本傳觀當琪球袁子歌爲詩以送賢諸侯

宮保歸自皖江疊樓霞前韻見寄枚亦新自揚州還山再依前韻奉呈

皖江歸後詩盈篋又詠倉山繼攝山魚素幾行隨鴈至馬蹄前歲踏香還公前年漁樵泛宅

家原寄蒲柳中年鬢早斑非把師門當野徑雙鳧紅不到人間先生嫌枚朱履苦被風

花累不勝十方願力總輸僧當樓舊署書千卷隔竹新添水一層同有棲霞分小大顏隨

棟公然吏隱鬪精能未知手造靈臺者可許儂爲左右丞每因山好忘家窮鎮日平章

一畝宮江影自涼高閣上書聲時度小溪東久離蓬島津難問悔種桃花路轉通月滿南樓

懷絳帳雲中遙見兩旗紅登天風閣見野人新自邗江返揚子中冷水獨嘗同抱遊情

歸更晚各依前韻詠何長爲園請額公先笑對壁籠紗我敢忘留取千秋傳雅事眉山衣鉢

本歐陽

烈女祥符詩爲寶觀察作

青陵臺上鷓鴣爲清風嶺上飛嚴霜女兒祥符纔笄歲柏舟一誓追共姜輕軍都尉巴公子
生來弱不勝羅綺花詠桃夭直一年雪壓瓊枝終不起新婦入門無舅姑捧匱沃盥侍兒夫
將身求代啼聲苦視藥溫涼燭影孤靈碣數盡留難住呱呱稚女相隨去不見雕梁燕哺雛
空聞落月烏啼樹人言夫死妾難從妾道郎行且待儂黃泉不比關山遠只隔陰陽路一重
不剪雲鬟服不變與郎暫別旋相見戚里遺將髻上釵侍兒分與妝臺線要使郎知死後心
不教妾改生前面旁人勸罷淚如絲苦節分明皎月知一腔碧血分明處三尺紅羅宛轉時
聖朝綽楔表徽音紫誥鸞書獎更深誰將趙女磨笄石鐫作張華女史箴

雨

雨疎如曉露簾影晝沉沉能使小窗暗更添高樹深潤宜三月暮涼見百花心長願黃梅駐
炎囂永不侵

送劉介菴入都

一年兩年顏色老一箇兩箇故人少客去梁園碧草新烏啼白下江村曉江村三月杏花紅
江淹賦別愁春風三千里路去雲外十六載事來心中我昔見君未華顛君昔見我美少年
高歌酣顏能幾日盛年一過如雲烟秦淮水樹歌成隊金釵挂燭留髻醉各折花枝當酒籌
同參金母飄霞珮謂金江外傳呼令尹來琴堂屢報雲仙會扶桑一夕天風改我竟抽帆先
過海回首昆明却後人淮南只有劉安在草草黃金信手消輕輕烏帽被風飄帳中未散彈
箏伎吳市先吹乞食簫丁期甘爲桓元死狎客都成患難交謂金可憐六十已平頭重
整羸驂北地遊上界星多官易補將軍緣盡客難留大勝不征途落日長安遠珍重蕭蕭吳

髮短苦道相逢未必違思君腸共車輪轉

送李再來入都

白下清明柳半含爲君折柳送行驂
中年遇別先惆悵舊雨關心只二三
好聽曉鐘趨玉陛但逢流水即江南
郵亭若作隨園夢千樹銀燈酒正酣

中秋宮保招飲會枚渡江未赴次日歸踐前約即席賦呈

中秋曾約赴華筵江上人行細
雨天深感西園一杯酒花間等到月重圓
詔書讀罷淚

續紛從古知臣莫若君誰是升堂高弟子
千秋身已託青雲詔本朝詩百惟人善那爾秦風人公子將

歸詞客老大家珍重語清宵西牕離緒
西園柳一樣風前萬萬條此珠將夜深手札

出深闈勸我新歸應早回笑殺公門
嬾桃李五更結子要風催夜與公了夜上公從後堂札

母使
人悞

接宮保和送行詩疊韻再呈

將鳴珂馬入楓宸猶寄新詩別釣綸
忙有工夫酬筆墨交惟雲水最心親
貪吟我每輸元老

嬾送公當想病人回首茅簷尙留戀
廿年江上四番春公詩有半殿疾苦之句

宮保再和

我將北上觀楓宸君在江干理釣綸
臥病不嫌高士懶言歸便覺故山親
追思往事成前

夢再唱驪歌賸幾人去路何愁霜葉冷
風光已近小陽春

揚州吳義山五十生子索詩

石麒麟降太嫌遲惹得而翁兩鬢絲
燕姑三更徵吉夢高靈五十有新詩
生當瓊樹花開處

抱看吾 皇駕到時時值南巡如此佳兒眞萬福桑弧應挂最高枝

秋興

采采繁英滿數邱自看風色捲簾鉤華燈見月光先淡細雨含花影亦愁萬種秋聲歸落葉
六朝全局在高樓憑欄掉首緣何事又見新霜上瓦溝

即事

漸漸金風動井床差差荷葉送新涼寒蟬心事無人識苦抱青枝叫欲狂 半山落日影
亭亭雲外天雞斷續聽坐到月明風漸緊一痕烟斷萬山青 彈著風琴坐露臺屨聲拂
拂草痕開柴門客到無人管徑向白雲深處來

九月初二日雨

浙浙聲何急蕭蕭意獨長山中三日雨世上幾重涼雲影過深竹秋容滿畫堂孤花無賴甚
態似望殘陽

冬日作

吹律清商變高歌白雪交新霜初試瓦朽樹欲危巢日短明燈補窗寒苦竹敲冬心終未負
吞易注三爻 滿背飛黃葉扶筇踏白雲九州同落木一鴈感離羣樹禿長江近松青百
草分夫容好顏色遲暮怨湘君 目中鴻爪去意外雨聲來小雪如春暖黃花夾杏開山

深無宿客月好有空臺隱几昏昏坐殘書理幾回 落日上高樓江山面面收紅牆蕭寺

小黃瓦孝陵浮暝色千村靜長年一葉愁流黃中婦語好整鹿皮裘

爲陶西圃催妝

故人遠去最消魂萬里攜囊襆被身欲折長條無別物自家山裏一枝春 小園凍合短

長橋漠漠寒雲未消一夜老梅來破臘東風人日是明朝 小紅歌罷衆山青楚雨吳

雲一路情更愛河陽種花日天桃先傍馬頭明

種梅

迎來水綠山青處種到參橫月落辰我聘梅花如聘婦入門纔是我家春 紅籬翠竹板

橋東保護瓊瑤不受風四面香雲千片雪孤亭一箇放當中

看梅

曲曲長廊雪打頭啾啾翠羽漾春流香心飽滿春風軟熏得樓臺影亦愁 自春花片作

春糧仙鶴肥如白鳳凰問是客來誰引見幽人領著玉千行 巡簷索笑兼招客護雨遮

風又嬾眠閒處春愁忙處醉與他同瘦十多天 笑將雙鬢鬪橫斜自曳藤條吸晚霞尙

有一枝山背後絕無人看只開花

題方問亭宮保貯蘭圖

芳草一枝佩古人千載心君子抱晚香臭味與之深鬱鬱平泉莊蕭蕭梧竹林鄴侯手素書

王儉插斜簪對茲蘭蕙叢間作盆池吟春水生寒綠華月明幽襟寸心與誰語天風鳴玉琴

樹棘秋得刺樹桃秋得飽所以樹木人貯材擇其好公爲八州督報國恆苦少惟有儲

人材救之如香草當門勿輕鋤孤根蓄使老盆舊發花稠泥深得春早竹以虛臣心梧以招

鳳鳥回首笑謝氏階庭作私寶若云夢徵蘭祝公轉嫌小 我昔過保陽縣令逢周君爲

言老尙書譽汝頤殷勤枚也如小草甘心蕭艾羣何堪備藥籠芳訊聞氤氳惟願韓太尉愷

澤流春雲遺曲賡元聖浴湯垂清芬九天珠露沃百代光風薰會使空谷士馨香時時聞

蔣秦樹中書以垂釣扈蹕兩圖屬題

捶鈎控大馬釣海制神鰲從來英雄人變化隨所遭君本古漁父蓑笠蹲烟臯來迎周文王
漁歌當簫韶三百六十鈞頃刻化旌旄錫之器與爵命其騎而袍扈從獵岐陽石鼓煩推敲
天山雪中明柳外黃旗飄萬馬聲鳴鳴繞帳生波濤作書與魴鯉我輩豈蓬蒿當其射猛虎
何異登長蛟人生如明月隱現不終朝雪泥存兩爪晝頰添三毫畢竟何者樂一笑霜天高

輓孫柳村

春燈握手漏沉沉惆悵蕭郎寄訃音兩耳久無天下事一帆歸有首邱心先生居制麻幕以雙乞歸芙蓉
舊幕花仍發老樹秋風葉不禁重過師門東閣地館賓遺跡怕追尋

新正四日宮保寄詩及小樓霞匾額署曰子才太史賦詩志謝

纔領東風四日餘尙書詩已到蓬廬喜看題額先春至愧把頭銜照舊書元旦一晴諸事好
梅花千本向陽舒請將拜賜陳情意當作新年試筆初

宮保和

蓬島身遊弱冠餘風塵十載入山廬頭銜縱換成仙吏香案曾經號祕書二字額懸花正
放一園春滿日將舒白雲深處扶筇好莫道蒼鬚不似初子才有鑑髮之作故云

馬鞭

管絃聲裏搖鞭去斜指江南水一灣帶雨催程芳草渡隔花傳響夕陽山春隄手倦天將暮
錦障泥深路本艱寄語行人莫輕用恐教良馬淚潺湲

古琴

三尺青琴錦一端，懸時當作古人看。
年多微賸黃金影，聽少絃生白雪寒。
海內清商無正調，烟中離恨有孤鸞。
高山流水秋心老，就對鍾期也不彈。

許郎席上追和莊念農刺史景陽閣韻

霜林十月小陽春，蕭寺題詩粉壁新。
傳說瑤池仙子會，滿身香雪看花人。
袁絲無福扣

元關打槳橫塘客，未還讓與羣公秋。
世界半江紅樹一樓山，莊周久不聽青琴。
忽遇飛

瓊又賞音可學聞，香僧破戒十年一動看。
花心紅兒籠盡雪兒誇，聽過啼鳥又曉鴉。
只

此簾前方寸地，幾枝簫送六朝花。
落葉飄離雨絕天，哀絲豪竹寫中年。
青蓮何在東陽

老自顧浮生亦黯然，謂晴江補灘

除夕宮保許賜食物而日昃不至戲呈一律

手把屠蘇酒一卮，盼春不到覺春遲。
已看臘雪消將盡，似對寒梅有所思。
原憲家貧人事少

彭宣年老後堂知，良辰擬獻椒花頌。
未敢仍吟舊歲詩

元日宮保補賜食物五種

元日辛盤至，當楣首拜嘉。
留將殘臘雪，開作早春花。
物比雙南貴，恩同五福加。
荷囊尤豔絕

傳徧野人家

滌齋先生八十索詩

三朝雨露一生春，畫錦堂開慶八旬。
蕊榜久無同輩客，瓊林偏有再來人。
蟠桃樹老生花早

玉女風高進酒頻，剛是日長添線節。
南天雲物倍精神，辭却中丞奉板輿。
稱觴偏愛小

西湖膝前蓬島三珠樹座上香山九老圖水竹風懷類園客滄桑閒話共麻姑江城歲歲看
花徧鳩杖隨身不要扶

小倉山房詩集補遺卷一終

◇

小倉山房詩集補遺卷二

錢塘袁枚子才

宿莊念農河房作

竹枕支牀臥不成與頭歷落總無情砧聲夜靜家家少布被秋來漸漸輕近水易看簾月落
朝東先見紙牕明披衣急起將詩寫遲恐茫茫百感生

到江上送同年馮潛齋侍講卽次原韻

江口同年話別時隔城敢問夜何其瓊林宴罷分飛早君館選後卽南海雲深見面遲春夢
那堪談往事白頭難定是前期君歸若對羅浮月好折梅花寄所思

題解仲發秀才山莊卷子

不見詩人十五年相逢彼此各華顛披圖還是當時貌細認丹青一惘然 清涼山下夕

陽斜竹徑茅蓬處士家我有隨園最隣近三春同看一山花 一句新詩動相公十年東
閣坐春風而今重過招賢館酒賦琴歌夢未終秀才以多讀詩書命亦佳之 要從四庫

問三生纔得西歸又北征我是南朝沈家令衰年難別范安成君効力四庫

題沈秀才洗硯圖

伯時好洗玉倪迂好洗桐先生獨洗一片硯所好與古將無同先將取硯法部居別白言其
畧旋作洗硯圖命丹青手相描摹梧桐之陰五月涼先生科頭意若忙呼九硯來如賜浴奚
奴次第投滄浪參之太史著其潔此意毋乃通文章我聞楮先生管城子一齊大笑爲君喜
硯上之塵尙且無胸中之塵可知矣

陶京山六十索詩

花甲筵開深柳堂南都人祝魯靈光我來高唱蓬山曲三十三年話正長

記訪江南第

一仙長安二月杏花天祇今尚有金臺月曾照當初兩少年

君戊午科
江南第一

江左飛鳥遇故

交琴堂幾度聽雲璈只談風月無餘語想見襟期華嶽高

滇南循吏首相推閩海歌聲

徧草萊誰料淵明家在種成五柳便歸來

菟裘何處築牆東天為安排一畝宮絕好

青溪起華屋經綸重展水雲中

月榭風廊高復低垂楊飄蕩水亭西玻璃窗隔三層望

就使神仙坐也迷

仙鹿呦呦隔院譁古梅修竹自橫斜今年應囑看園叟添種蟠桃一

樹花

仙家夫婦有劉綱同醉瑤臺紫玉觴月姊生辰春更早樊英先拜又何妨

月繞膝瓊枝繞砌蘭一家風月慶團圓晉陽刺史真純孝為捧流霞暫挂冠

滄桑

世事且休論同看宮袍舊酒痕長願香山兩者舊年年白髮說開元

余以丁未年入泮今又丁未矣戲作重赴泮宮詩

記得垂髫泮水遊一時佳話徧杭州青衿乍著心雖喜紅粉爭看臉尚羞夢裏榮華如頃刻

人間花甲已重周諸君可當同年看替采芹香插白頭

方次耘司馬遣朱郎餽食物戲書其扇當輓腳錢

家住橫塘烟雨鄉曾經歌曲唱伊涼憐卿身似小楊柳纔別幾時如許長

珍物分明海

樣投主人風義重千秋笑儂頗有高瓊癖欲把奴星當禮收

題何蘭庭紅袖添香圖

不是騷人太不廉青編紅袖一身兼讀書要學燒香法耐得工夫細細添

匡床八尺夜

橫陳久坐渾忘枕上春莫惹一雙紅袖怨隔生休嫁讀書人

太白樓

謫仙何處去太白一星知秋樹還披錦江聲學詠詩高樓離月近平水過船遲我欲先生借長虹作釣絲

立秋後二日張荷塘世講以詩問疾奉答兩章

五言佳句等長城一紙傳來讀便驚肯向山中詢白髮可知心上有蒼生通家人少交情重循吏名高爵位輕聽說訟堂無底事吟聲纔罷又琴聲 非公不至宰官家偏過君門必

駐車入座頻傾白墮酒分甘遠惠綠沉瓜蒙惠風多暑帶將殘意雨久荷開不斷花料得張堪應含笑今秋民有好禾麻

張和

山中別業半依城路僻林深鳥不驚欹枕窗前聞澗落杖藜脚底看雲生楊因好客終朝設身自辭官卅載輕數與接談多近道寸筵直許發鐘聲 當初叶卜此移家陌上圖書載幾車作傳自緣彭澤柳謀生人識五侯瓜招尋難得心相印篇什看來眼欲花經月匆匆疎問訊紛然案牘正如麻

疊韻贈明府

難得詩人共石城一回詩到一回驚堂前案牘從容理筆底風花傾刻生丹桂心幽招隱易碧梧秋老下階輕衍波箋到挑燈誦愈信秦吟是正聲公選 九世同居有幾家爭禁民看使君車君九世同居 獎政如子產非操火面類臯陶豈削瓜此日絃歌方滿耳他年旌節定

開花多君馳驛將詩改心細還如一縷麻

君嫌前詩起句未妥遣一騎持箋來換

張和

寓公老傍石頭城早有文章海內驚白髮千莖如雪淨洪談四座尚風生
暄妍檻外花光麗陰翳簷端竹影輕一語堪憑為頌禱園亭世世讀書聲
論交原是舊通家門外來
停問字車欲把藏書倒筐皮有煩留客具茶瓜勞生難說心無雜廢學空慙鬢已華終擬
相從聞道要因依笑得比蓬麻

三答

詩才久慕謝宣城五接雲箋喜又驚作吏如何耽此事讀書原本在前生七條絃為鍾期奏
萬戶侯因張祐輕莫道風塵無我輩鍾山新有鳳凰聲翠微亭下野人家幾度高賢駐
小車豈為後凋憐碩果轉因不食愛匏瓜兒童競捉初飛蝶古佛偏拈已散花倘得秋涼蘇
老病定來扶杖話桑麻

四答

相離未隔一重城兩月乖分夢亦驚佳句得來勝珠玉好官從古屬書生才高自覺風雲闊
情重翻疑華嶽輕連日清商吹到耳滿天涼雨作秋聲敢把衰年鬪作家戲隨佛法演
三車饒同束皙思胡餅君家作餅最佳故思之最恩感齊桓賦木瓜雨引斷雲歸曲徑風催老樹發孤花
陶潛樂事君知否添種柴桑一畝麻

五答

屢見珠璣落管城紅箋飛下白雲驚豈徒吏術堪千古便作詩人也一生燕寢風和鈴鼓靜

秦淮水長畫船輕何當手弄桓伊笛閒坐青溪聽政聲

我是南朝仲蔚家年過三十早

懸車偶因見獵全忘老敢說投瓊必報瓜綠字喜逢青鳥使白頭愁對紫薇花一塵幸託神

君庇臥聽隣姬夜績麻園中紫微大開

六答

隨園已築受降城露布傳來我又驚諸葛祁山兵六出遠公蓮社證三生才如天馬行空慣

筆似蜻蜓點水輕聽說輿臺沾雅化滿街呵殿盡詩聲 故人風義恤貧家餽物前車接

後車蒙兩賜點心月姊瓊酥團作餅安期仙棗大如瓜君眞白雪高難和我勸優曇少作花牆上

碧紗籠已滿張顛珍重字如麻

題寶堂主人雪灘鴻影圖

人生所到如飛鴻飄然而下過卽空但須留影記西東方知某某爲遊蹤當今儒者有吾宗

觥觥束脩行已恭治經已追馭子弓古文更學王荆公與余道義相磨礱三十餘載無異同

忽持木鐸來吳中士林仰若泰華嵩雪灘之旁半畝宮先賢於茲張釣篷石橋橫駕青天虹

枝枝楊柳搖春風先生含笑常支筇彈琴坐詠先王風命丹青手描其容寄索我句開心胸

我思韓孟本雲龍勝地有此主人翁何不相逐行從從灘上同酣酒百鐘使我影亦常追從

可奈髮禿形疲癡心雖欲往興已慵詩雖有盡意無窮掩卷尙覺雲重重

宣州道上遇孫敦夫太守作

己未正月余寓孫牧堂翰林家公子敦夫纔七歲別四十餘年孫守宣州而余遊黃

海突逢道中奉贈二首

五馬旌旗狹路逢下車人忽問衰翁爲言四十四年別可認當時七歲童
君家春雨盈盈燭影斜還借君家池上水照儂初次插宮花

居停那敢忘

題畫 有序

庚辰二月二十八日唁東陽公子之喪代檢所藏書畫得余舊贈補蘿高克明神駿
一幅未及十年哭及兩世不禁人琴之痛爲題數語仍付童孫夢蘭收之

記贈東陽畫星霜未十年今朝重過眼兩世已黃泉題墨痕猶濕知音客盡捐郎君纔九歲
交付倍淒然

將往揚州阻風宏濟寺贈默默上人

入門修竹倚風翔下界蘆花九點涼海內雲烟留勝迹中朝人物聚文章江流萬古山僧老
潮打空城草木荒半偈未留篷又轉禪關回首正斜陽 何須撒手問懸崖仙佛原須絕

代才石幕勢吞高殿起江帆影射畫堂開阻風莫悵前程緩失路方能福地來累我一官塵
幾寸朝衫今日點蒼苔 上方九十老支公煉得容顏瘦鶴同謁我但參鳩杖左送人偏

過虎溪東誦經音韻江聲裏入定神光水氣中三萬六千回日落問師親見幾回紅 拾
級攀梯不憚遙公然耳目到雲霄舟中夜夜東西笛江上年年早晚潮滿壁詩人多聚散六

朝老樹半蕭條空桑爭道無留戀何計揚州駐短檣

爲馬所驚補作 有序

丙寅五月余宰江甯捕蝗七里洲馬爲野豕所驚怒逸不止余強勒之馬竄入廢寺
門闌橫木馬可入而馬上人必折頸以死矣馬竟騰身而進余私念死可也如此慘

人必疑有隱慝焉此念甫動馬忽然止若泥馬然似有人攔之者余從容跨下牽縛
樹間良久輿從踉蹌來告以故有驚喜泣下者事隔四十載痛定思痛追作一首
驚馬忽然止宛如潮水平眼前無性命天上有神明隱隱是誰救蕭蕭向我鳴阿誰到此際
能不憶平生

讀唐書

人老氣衰則鍾情轉甚唐明皇歸南內後追念玉環依依不捨作太子時起兵入宮
上官婉兒執燭親迎以請睿宗監國表示劉幽求劉爲代請度以常情頗應寬宥而
帝不從卽斬旗下其英武與晚年光景絕不相侔何也

旗下三郎寶劍開婉兒親自點燈來奈逢龍子初飛日了却蛾眉首不回

閨怨

分明共枕又齊肩夢醒蘭衾冷半邊急起挑燈探消息兒夫私抱阿誰眠

甘露

甘露聞奇禍高天隕角星麒麟無轡策鷹隼有雷霆夢爲防秋隔書因絕塞停空山留馬迹
孤劍走龍庭慮喪孫邛首偏遭鄧艾刑他時懷李牧臨陣失甘甯賀酒仇家飲書詞海內聽
功高魂自壯冤甚目難瞑一代丹書議千年野史亭私情與公論同付淚熒熒 尚有臯
陶鬼能空貫索囚如何檀道濟枉唱白浮鳩鑿極臯蘭下提歸贊普頭修期馳露布馬燧賀
宸旒半夜天星動長城萬里休五更聲未畢三丈血先流誰訟陳湯罪空懷谷永憂歐刀秦
下相草索漢涼州黃雪飛炎海紅霜澹早秋傷心丞相議眞報郅支仇

小倉山房詩集補遺卷二終